

Lai Yeramix 29:13

Pex tak sawg Aux, yam sawg pex Aux khawm: rhawm:
khawm: rhi: tix mai: tak yaox ka Aux heue.

SANG PON
TAWNG SIYIEX
KHEU PA
TIX?

SANG PON TAWNG SIYIEX KHEU PA TIX?

Abraham mawh pa yaung Siyiex, awm: kheu krax pa cu nghiet mai: krax pa ap pong nawh hoit mawh paox grawm Siyiex; maix kawx tak pon si pub tix yaox bwan: son mai: krax pa nhim: Nawh Cao: ka daux krax pa cu nghiet pa yum:rhawm: tix ka Nawh Cao: nang: heue. Krax pa yum:rhawm: mai: krax pa een: rhawm: pa pon ap pong tix tete ka Nawh Cao:, mai: krax pa pon tawng tix ka Siyiex, mawh pa kied ting ceu ka daux krax pa si pub pa yaox lhauh ju tix heue.

Phan: maix deeh ghaix tix khaing: daux krax pa hawt alo rhawm: rhi: to:kaux tix, mai: pon ap pong ju tix ka Siyiex tete telai ah nan:, Khwan: Nawh Cao: tak ot ka daux maix heue. Phan: maix yum:thawm: een: rhawm: ka sijax mukheu: Nawh Cao:, kwe krax pa cu nghiet mai: hawt tix khaix Nawh Cao:, can ceu tix ang ah, kraxmoh kraxrhawm: Nawh Cao: tak sang pon gwoih tix khaing: maix ang doh mawh. Nawh Cao: tak mawh Keeing: Cao: Siyiex maix heue. Maix kawx tak mawh ceu pa deuh Nawh Cao: kwejum kwengawh ka son Tix heue. Kheu grawng: hoit lieag Nawh Cao: maix ka pa kied ting ngawh ting jum sigrien sigre, Nawh Cao: mai: maix, jah si ngaix yam in hu: si voe ngai: ang jud ang jai, lo tix yuh paox pie tau tom: tak pon tix yaox mai: tawng si dawng: kah heue.

Rawg bwan: ka Keeing: Cao: Siyiex, Son sang tawx Nawh krax tawng pa pon si dawng: tawng ka Siyiex yam phat maix ka gum lox baux Phuk lai Sigang: si: pa teei ex tix tiem: ka daux pheen: lai ieak in awx.

1. GRAWNG: PA KWE NGIE SIYIEX TETE TELAI TIX KAUX KHAING:

Lai Tawxbeen bawg Ra: 6:4(b)/5

Simieang Siyiex, Siyiex ex mawh Siyiex ti kaux khaing:, maix tak moh ka Simieang Siyiex, Siyiex maix khawm: rhawm: khawm rhi: tix tau mai: khawm: ju tix mai: khawm: riang khawm: rao tix khawm: uik.

Lai Isayax 45:18

Simieang Siyiex, pa phan: raoma:, Nawh Cao: mawh Siyiex, Cao: pa phan: haktiex yuh ka an, Nawh Cao: phan: ka ceu an, Nawh Cao: ang lai phan: mawh pa giex pa going, Nawh Cao: phan: an kieh kawn: pwi ot kah ah nin:, "Aux mawh Simieang Siyiex, mai: ang lai kwe Siyiex tang: kaux."

Lai Simiang Phuk Tix 8:60

Mai: son sang pon tawng pwi pieang haktiex khawm: uik ka mawh Nawh Cao: Simieang Siyiex, Siyiex tikaux khaing:.

Lai Isayax 42:8

Aux mawh Simieang Siyiex, in mawh ceukaux Aux, Aux tak ang tawx min: plak ngai: Tix ka pwi tang: kaux, mai: ang tawx krax pa yaog yaw Tix ka rieng rao pa saik khankix.

Lai Isayax 43:10/11

Simieang Siyiex ah nin: "pex mawh mhai: sakse: Aux, mai: siliex pa hoit laug Aux, son sang tawng maix mai: yum:rhawm ka Aux, mai: tawng mawh Aux, Siyiex, sivoe aux, ang kwe Siyiex pa phan:, mai: khaix Aux kawx tak ang kwe. Aux mawh Simieang Siyiex, lheu: khaing: Aux, ang kwe cao: taoh."

Lai Isayax 45:22

Pex pa ot ku sidah haktiex eue! deeh hwet ka Aux pex tak pon krax taoh, mawh kheu Aux mawh Siyiex, mai: ang lai: kwe siyiex tang: kaux.

2. GRAWNG: MAWH KEEING: SIYIEX PA NAOG KA Bwan Son Krax Moh Krax Rhawm:

Lai Yaogyaw 103:8/11

Simieang Siyiex hoit grum naog ka krax pa caoxrhawm:, mai: pa chix yuh bwan son, mai: pa lang: gun lang: yeung, mai: krax pa caoxrhawm: tom: nie. Awin: lhaong: raoma: mai: haktiex, krax pa caoxrhawm: Nawh Cao: kied ting lhaong: ka pieang can pwi pa lhat pa graung ka Nawh khankix.

Lai Yaogyaw 103:17/18

Mai: krax pa caoxrhawm: Simieang Siyiex, jah tom dix, tom hwet leeing: ju, ca kwe ka pieang can pwi pa lhat pa graung ka Nawh. Mai: pwi pa priex ka sijax mukheu: Nawh mai: pa kwe satix, mai: pa priex tix hawt ka lox tawm; beenli Nawh khankix, mai: krax pa rah pa see Nawh, kwe ka pieang kawn: praix kix leeing: ju.

Lai Mikha 7:18

Mawh Siyiex mawx pa awm: Maix Cao:, pa pon pluat ploi: phimap phighram:, mai: pa pon kieh krax pa phit pa lut sin: ngao pa kawn: deuk Maix Cao: khankix lawt luan lieh? Nawh Cao: ang lai een: tix deuh krax pa songrhawm: songrhi: tix leeing: ju heue. Nawh Cao: kwe krax gauxrhawm: ka daux krax pa caoxrhawm: caoxrhi: heue.

Lai Doe: Yeramix 3:22

Ka daux krax moh krax rhawm: Simieang Siyiex, ex ang lai laux leeing:, mai: krax pa caoxrhawm: caoxrhi: Nawh ang kwe dee sidah sidu heue.

Lai Doe: Yeramix 3:32

Vieang Nawh kieh krax pa khrhawm: kwe kawx, mai: Nawh Cao: tak sang jhi: krax pa caox rhawm: tix, awm: krax pa kied haoh hun: krax moh krax rhawm: Nawh Cao: heue.

Lai Yaogyaw 18:25(a)

Maix tawx krax pa caox rhawm: ka kix, pwi pa chix caox rhwm:.

3. GRAWNG: MOH KEEING: SIYIEX KA EX

Lai Yeramix 31:3

Simieang Siyiex hoit dawg bleeh ka aux tom yam an dix, mai: ah nin:, "mawh heue, Aux hoit moh maix ka krax moh krax rhawm: leeing: ju; mawh kheu nan: Aux hoit bluh maix hwet tau mai: krax moh pa kwe krax caoxrhawm: caoxrhi: heue."

Lai Yeramix 29:11

Simieang Siyiex ah nin; mawh kheu Aux hoit tawng ka krax keud, pa sang keud Tix khankix ka son pex, pa mawh krax keud pa nhim:, mai: ang mawh krax pa caox pa caig, son sang tawx krax pa keud pot jun pot pa sang hwet ka son pex heue.

Lai Yaogyaw 103:13

Awm: pa caoxrhawm: keeing: ka kawn: tix, Simieang Siyiex caoxrhawm: ka can pwii pa lhat pa graung ka Nawh khankix.

Aux hoit moi: khaing: pa kham: jhawm: saux, mai: hoit caox rhawm: ka ju aux, taoh aux khaing: daux pa laux pa leeing:, Mai: Nawh Cao: hoit tik phimap aux ka plak khaix aux.

Lai Yohan Phuk Tix 4:16(a)19

Mai: ex tawng mai: hoit yum:rhawm: ka krax moh krax rhawm: Siyiex ka son ex heue. Ex moh ka Nawh Cao:, mawh kheu hoit moh Nawh ka ex sivoe heue.

Lai Zephanix 3:17

"Simieang Siyiex pa mawh Siyiex maix ot ka daux sinax maix, Siyiex cao: pa kied ting siawp sibrawm, tak sang taoh ka maix, Nawh Cao: tak kwe krax pa gauxrhawm: gauxrhi: kheu maix mai: krax pa nyawmrhawm: nyawmrhi: heue. Nawh Cao: tak kieh maix ot yien: yawg tix ka daux krax moh krax rhawm: Nawh, mai: Nawh Cao: tak kwe krax pa gauxrhawm: gauxrhi: kheu maix, mai: krax pa ah lai rhax heue."

4. GRAWNG: PA TING CEU DAUX PA IM: JU EX MAWH PA TAWNG PA YUNG KA KEEING: SIYIEX HEUE

Lai Danyelax 11:32(b)

....Mawh ngie pwi pa tawng ka Siyiex cao: kix, tak kwe krax pa kaux pa cong: mai: yuh tix kaing heue.

Lai Yeramix 9:24

"Vieang mawh nan:, keih pa yaw rang di tix yaw rang di ka ceu in, ka daux pa kwe krax tawng krax yung nawh ka Aux, mai: ka mawh Aux Simieang Siyiex, pa yuh tix tawx krax pa caoxrhawm: caoxrhi:, mai: krax prawng krax ca:, mai: krax pa rah pa see, ka pieang haktiex heue. Mawh kheu Aux kwe krax pa khaw: rhawm: ka ceu in" Simieang Siyiex ah nin: heue.

Lai Yaogyaw 119:2

Mai: can pwi pa priex ka sakse: pa kham: Nawh khankix, mai: pwi pa viex khawm: rhawm: khawm: rhi: tix, mai: sawg ka Nawh khankix, kwe bwan son heue.

Lai Tawxbeen bawg Ra: 30:19/20

Aux kok yo raoma: mai: haktiex mawh mhai: son maix ka daux in singaix, Aux hoit deuh krax im: ju mai: krax yum, krax nawb bwan mai: krax pa jhax lawg khankix ka plak sivoe maix; mawh kheu nan: laug maix teei krax im: ju, son sang pon maix tix im: ju khawm: doeh simie ceucat maix khankix, Mai: son sang moh maix ka Simieang Siyiex tix, son sang cu nghiet ka lox Nawh Cao:, son sang een: maix rhawm: tix ot dex Nawh Cao:, mawh kheu Nawh Cao: mawh krax im: ju maix mai: lang: ju maix, son sang pon maix tix ot ka daux haktiex pa tiex tu Simieang Siyiex tix tawx ka keeing: maix Abraham, Icag mai: Yakop heue.

Lai Isayax 6:6

Khaix an kawn: cau Siyiex pu: tix hwet ka aux, daux taix nawh kwe gaox ngu pa kawn: cap, pa hoit teei nawh ka sigiep khaing: ka pieang khu: dee tan heue.

Lai Yaogyaw 42:1 Siyiex eue, awm: krox jun cak ka rawm: klawng: pa si kiied, mai: ju aux kawx, krox jun pot ka Maix.

5. GRAWNG: PHAN: ANG HWET DEX MAI: KEEING: SIYIEX TAK HWET KRAX PA TIK PA VUD DAUX PA IM: JU TIX

Lai Grawng:been Phuk Ra: 15:2(b)

Mai: nawh hu: pub ka Asa, mai: ah nin: ka nawh: "Asa, mai: pwi Yudax pwi Binyamin khankix eue! Nghiet lox aux heue. Phan: pex sawg ka Nawh Cao:, Nawh Cao: tak kieh pex yaox Tix; vieang mawh nan:, phan: pex tik vud ka Nawh Cao:, Nawh Cao: tak tik vud ka pex heue."

Lai Yeramix 17:9

Rhawm: kawn: pwi mawh pa lheu: chix pie chix lhen: khaing: ku ceu khawm: uik, mai: kwe ceu pa caox pa caig sigrien sigre; mawh pwi mawx pa pon tawng ka an lieh?

Lai Petrux Phuk Ra: 2:4/9

Grawh grawng: nawh phan: Siyiex ang deuh kah kawn:cau Siyiex khankix yam yuh kix phimap phighram:, vieang mawh nan: hoit teei tix taing kix ka daux mawnarhok, mai: hoit tawx hoit pong kix ka daux daux pa vhaik, son sang priex kix tom singaix prawng singaix ciyang, Simieang tawng tix chix taoh pwi pa chix nab chix yam mai: pa yuh pa khaw: ka Siyiex khankix, khaing: krax nyaw krax glaw, mai: chix priex pwi pa ang rah ang see khankix greem: krax prawng krax ca:, tom hwet singaix pa prawng pa ciyang.

Lai Samoelax Phuk Tix 12:15

Phan: pex ang nghiet ka lox Simieang Siyiex, mai: tieh feen ka lox tawm: pingnyap Simieang Siyiex, plawng: taix Simieang Siyiex tak tieb tie pex mai: keeing: pex khankix.

Lai Yohan 15:6

Phan: pwi ang ot ka daux Aux, teei tix tik nawh awm: kak mai: kroh hu: heue, mai: pwi khrawm: kak khankix mai: taing daux ngu mai: gleeing kix heue.

6. GRAWNG: PA TAWNG PA YUNG EX KA KEEING: SIYIEX CAW EX COCA: TIX SAWG KA HEUE

Lai Yeramix 29:13

Pex tak sawg Aux, yam sawg pex Aux khawm: rhawm: khawm: rhi: tix mai: tak yaox ka Aux heue.

Lai Loxkab 2:4/5

Awm: pa sawg ka mau, sawg ka cuyi: pingnya, mai: awm: pa sawg ka kraung khrai: pa hoit mox, mai: sawg ka pingnya. Rhawm: pa lhat pa graung ka Simieang Siyiex mawh pa grum naog ka cuyi: pingnya pa tawng pa yung ka Siyiex heue.

Lai Mathiex 7:7

Rawg heue, mai: tak sang tawx ka pex. Sawg heue, mai: pex tak sang yaox. Gleuh siviex heue, mai: tak sang paoh son pex heue.

Lai Hebric 11:6

Mai: phan: ang kwe krax yum:rhawm pon ang doh chix khaw: chix caw ka rhawm: Siyiex, grawh grawng: nawh kaw pa hwet ka Siyiex, tak lai yum:rhawm grawng: mawh Nawh, mai: grawng: mawh Nawh, cao: pa tawx bwan son ka kix pa sawg ka Nawh heue.

Lai Loxkab 8:17

Aux moh ka pwi pa moh ka Aux khankix, pwi pa coca: tix sawg ka Aux khankix tak yaox ka Aux heue.

Lai Doe:Yeramix 3:25

Simieang Siyiex tak tawx bwan son ka pwi an kix, pa krox jun Nawh mai: ka ju pa sawg tix yaox Nawh heue.

Lai Kawn:cau 17:26(a)27

Nawh hoit yuh kawn: pwi ku ceu ka nham: ti mu: khaing:, son sang ot ka pieang haktiex khawm: uik, yuh ka mawx son sang sawg kix Siyiex, mai: phan: kix sang pon tix pu:pi: hawt Nawh, pon tix yaox Nawh nieh, kheu Nawh ang singai khaing: ex ku kaux daux pwi heue.

7. GRAWNG: LO EX GREED TIX HWET DEX KA KEEING SIYIEX

Lai Grawng:been Phuk Ra:(Rasavanchok) 30:9(b)

Mawh kheu Simieang Siyiex pex, mawh pa chix tawx bwan: son, mai: pa caoxrhwam: caoxrhi: mai: pak ngai: Nawh Cao: tak ang lai veeh tix khaing: pex, phan: pex deeh ing: ka Nawh heue.

Lai Yaogyaw 86:5

Siyiex eue, Maix hoit grum naog rhawm: rhi: pa mhawm:, mai: rhawm: pa gun pa yeung, can pwi pa rawg bwan ka Maix pon krax caoxrhwam: Maix tom nie.

Lai Yakop 4:8(a)

Greed tix hwet dex ka Siyiex, mai: Nawh Cao: tak greed tix hwet dex ka pex heue.

Lai Yaogyaw 145:18

Simieang Siyiex ot dex mai: pwi pa kaux sijax mai: pa rawg pa mhaing: ka Nawh khawm: uik heue.

Lai Isayax 1:18

"Hwet yam in, mai: kieh ex ah grawng: an kix tau mai: paox tix," Simieang Siyiex ah nin:, vieang phimap pex raoh rawt kawx, kix tak paing awm: rawm: rha:, vieang kix raoh awm: raoh lung kawx kix tak awm: hauk yung: heue.

Lai Mathiex 11:28/29

Pex pa taug pa mao, mai: klawm: kraung cien khankix khawm: uik eue, hwet ka Aux mai: aux tak kieh pex laux lee: tix heue. Teei tix klawm: khaox glawm: Aux heue, mai: hwet tix gau ka Aux, kheu kwe Aux rhawm: pa awn: pa tiem, mai: ju pex tak yaox dee laux lee: tix heue.

Lai Yohan 6:37(b)

Mai: kaw pa hwet ka Aux, ang Aux doh tik doh vud ti bawg kawx.

8. GRAWNG: MAWH KEEING: SIYIEX PA SINGAX SINGEH

Lai Lihu: 15:11

Simieang Siyiex eue! ka daux Siyiex tang ceu mawh mawx pa awm: Maix lie? mawh mawx pa kied singax singeh pa kied ting min: plak ngai:, mai: kwe krax lhat krax graung daux pa yaog yaw kah, huh pa daox pa am: khankix uik.

Lai Samoelax Phuk Tix 2:2

Ang kwe pwi pa singax singeh awm: Simieang Siyiex, lheu: khaing: Maix ang lai kwe Siyiex, mai: rang: dee een: ex rhawm: awm: Maix ang kwe.

Lai Yawbax 34:10(b)

Kieh pa caox pa caig mai: pa yuh phimap phighram: mawh pa singai khaing: Siyiex cao: pa ting siawp sibrawm heue.

Lai Isayax 6:3

Mai: kix tikaux lai tikaux kok yo lox tix ah nin: "singax singax singax, mai: pa mawh Simieang Siyiex Cao: raoma: siawp sibrawm min: pakngai: Nawn Cao: hoit naog ka pieang ca: haktiex heue."

Lai Isayax 57:15(a)

Grawh grawng: nawk, Cao: dee lhaong: mai: Cao: pa kied lhaong:, pa kwe leeing: ju leeing: phan:, pa ceukaux mawh pa singax singeh, ah nin: "Aux ot ka dah dee lhaong: mai: dee pa singax singeh."

Lai Yaogyaw 145:17

Daux krax Simieang Siyiex mawh pa rah pa see, mai: pa yuh Nawn tix deuh khawm: uik mawh pa singax singeh heue.

Lai Makux 10:18(b)

Lheu: khaing: Siyiex ti kaux khaing:, ti kaux kawx ang mhawm: heue.

Lai Plakjhi: 15:4(a)

Simieang eue, mawh mawx pa tak ang lhat mai: ang yaogyaw ka ceukaux Maix, mawh hkeu mawh ngie Maix khaing: pa singax singeh heue.

9. GRAWNG: CAW KAWN: PRAIX SIYIEX TIX SINGAX SINGEH KA DAUX JU PA IM: TIX

Lai Yakop 2:19/20 1:22

Maix yum:rhawm: grawh grawng: pa kwe Siyiex tix kaux khaing:, pa hoit yuh maix mhawm: heue. Phicaox khankix kawx yum:rhawm: mai: siyaung: sikuwa tix heue. Pwi pa nieb keud nieb ce: eue, maix tak chix tawng grawh grawng: krax yum:rhawm: pa ang kwe krax twah krax klaung: mawh pa yum lieh? Mai: kieh mawh pwi pa hawt yuh gumlox, mai: paw kieh mawh ngie pa mhong: gie, pa pie pa lhen: ka tokaux tix heue.

Lai Yohan Phuk Tix 2:4 3:10

Kaw pa ah, "Aux tawng Nawh" mai: ang priex tix hawt lox tawm: jhawm: krai Nawh, mawh pwi pie pwi lhen: mai: pa mawh pa meh ang kwe ka daux nawh. Ka daux ceu in kawn: praix Siyiex mai: khawm: kawn: praix phicaox hoit sidawng: kah. Pwi mawx ang ah pa ang yuh pa rah pa see mai: ang moh ka puaik tix, ang dex ang dawd mai: Siyiex heue.

Lai Loxkab 15:9

Simieang Siyiex khreeing: brai: ka krax pa hu: pwi pa ang rah ang see khankix, mai: Nawh moh ka pwi pa hawt daux krax pa rah pa see khankix heue.

Lai Hebré 12:14

Nied tix coca: son sang kwe krax nhim: tau mai: pwi khawm: uik, mai: ceu pa singax singeh pa phan: ang pwi kwe, tix kaux kawx tak ang pon tix yaox ka Simieang heue.

Lai Petrux Phuk Tix 1:15

Vieang mawh kawx nan:, awm: singax singeh Kaw pa hoit kok pex, kieh tokaux pex singax singeh yuh nan: ka daux can pa yuh tix khawm: uik heue.

10. GRAWNG: LOX TAWM: PINGNYAP KHANKIX

Lai Mikha 6:8(b)

Mai: mhaing: Simieang Siyiex ceu pa tix khaing: maix lieh? Mawh son pa yuh maix krax pa rah pa see, mai: son sang moh ka krax pa caox rhawm: caoxrhi:, mai: son sang kwe krax pa tiem rhawm: tiem thi: mai: hu: tix tau mai: Siyiex ang mawh lieh?

Lai Krub 19:2(b)

Pex tak mawh pa singax singeh, kheu: mawh Aux Simieang Siyiex pex pa singax singeh.

Lai Lukax 10:27

Maix tak moh Simieang Siyiex maix khawm: rhawm: khawm: rhi: tix khawm: uik, mai: khawm: ju tix khawm: uik, mai: khawm: rieang rao tix khawm: uik, mai: khawm: ka dee chix keud tix khawm: uik, mai: maix tak moh paox plawg paox nyhawm: tix awm: moh tokaux tix heue.

Lai Makux 10:19

Maix tawng lox pingnyap khankix, 'Paw teei ju pwi yum, paw phit paw vao, paw briex paw lak, paw kham: mhai: sakse: pa ang mawh ang meh, paw liex tix teei kraung cie pwi, yung: yi: ka miex ka keeing: tix heue.

Lai Romax 12:2

Mai: paw kieh khaw: mai: rieang baux ju in, vieang mawh kawx nan: kieh pex deeh tieh loh, kheu: baox yuh rhawmrhi: tix pa khraox, yuh ka mawx son sang chix cheu: pex tix tawng, mawh pa yuh ka mawx pa mawh pa mhawm:, mai: pa khaw: pa caw rhawm:, mai: pa grum mawh alo Siyiex heue.

Lai Yosux 1:8

Paw kieh Lai been li in singai khaing: jheeh maix. Jhak mai: phat kah leeing: ngaix leeing: sawm: son sang pon priex maix tix hawt yuh can gum lox pa hoit tiem: ka daux Lai in. Phan: yuh nan: daux krax pa hu: maix tak sang si dawng:, can kaing pa yuh maix tak haok hwan: heue.

Lai Makux 11:22

Yum:rhawm ka daux Siyiex heue.

11. GRAWNG: CEU PA KOENG SIMIEANG SIYIEX KAH KHANKIX

Lai Loxkab 6:16-19

Grawng: pa koeng Simieang Siyiex kah ang joeng mawh ngie liah ceu, mai: pa seeing: pa brai: Nawh kah kwe aliah ceu, mawh in kix heue. Pa ting rhawm: lhaong: ngai: ti ceu, dak pa chix pie chix lhen: ti ceu, taix pa chix pah ka ju pwi pa ang kwe phimap ti ceu, Mai: rhawm: pa chix keud pa ang mhawm: ti ceu, caong pa phai: to: dee yuh phimap ti ceu. Pwi pa kham: mhai: sakse: pa ang mawh ang meh mai: lox pie lox lhe ti ceu, mai: pwi pa chix kieh puxaik simah ka paox tix ti ceu heue.

Lai Isayax 61:8(a)

Grawh grawng: nawh, Aux mawh Simieang Siyiex pa moh ka krax pa rah pa see, Aux koeng ka pa tud pa rhim: mai: pa caox pa caig heue.

Lai Plakjhi: 21:8

Vieang mawh kawx nan: ka son pa lhat pa graung, mai: pa ang yum:rhawm:, mai: pa greeing, mai: pa mawh pa pah pwi yum, mai: pa mawh pa phit pa vao, mai: pa mawh pa yuh simeed yuh sat, mai: pa mawh pa krub rieng krub rao khankix, mai: can pa mawh pa pie pa lhen: khawm: uik, nyum: cie kix tak mawh ka daux nhawng: pa gleeing ka ngu mai: mhat, pa mawh krax yum ra: bawg ti bawg heue.

Lai Malakhix 2:15(b)/16(a)

Mawh kheu: nan:, priex ka rhawm: thi: pex, mai: paw kieh pwi tikaux kawx, yuh krax pa ang kaux sijax ka moeng pa hoit teei nawh tom yam awn: ju tix heue. "Grawh grawng: nawh, Simieang Siyiex pa mawh Siyiex ceu pwi Isarilax ah nin:, Aux koeng ka grawng: pa tik moeng tix, mai: koeng ka pwi pa yuh krax pa kin: ka moeng tix heue." Simieang Siyiex cao: raoma: ah nin:, "mawh kheu nan: priex ka rhawm: thi: pex, son ang pon tix yuh ceu pa ang kaux sijax heue."

Lai Zakharix 8:17

Paw kieh pex tikaux kawx keud pa caox ka daux rhawm: tix ka paox plawg paox nyhawm: pex, mai: paw moh tix yuh krax pa tiex tu pa pie pa lhen:, grawh grawng: nawh, in kix mawh ceu pa koeng Aux kah heue. Simieang Siyiex ah nan: heue.

12. GRAWNG: ANG KAWN: PWI PON HAWT TIX YUH GUM LOX TAT JHAWM: PRAWNG SIYIEX KHANKIX

Lai Yohan 5:42

Vieang mawh kawx nan:, Aux tawng grawng: krax moh krax rhawm: Siyiex ang kwe ka daux pex.

Lai Yakop 2:10

Mawh kheu pwi mawx ang ah, pa priex tix hawt lox lai been li khawm: uik, mai: kawn: phit ka ti ceu ngie, nawh tak lih mawh pa phit kah khawm: uik heue.

Lai Isayax 6:5

Khaix an aux ah nin: "krax kha:rhawm: kwe ka pieang aux, aux hoit tix phao:, grawh grawng: nawh, aux mawh pwi pa ang singax siyieb jheeh tikaux, mai: aux ot sinax pwi ticub pa ang kwe krax pa singax siyieb jheeh, mawh kheu: ngai: aux hoit yaox ka Simieang, pa mawh Simieang Siyiex cao: raoma: heue."

Lai Yakop 4:17

Mawh kheu nan: kaw pa tawng tix yuh ceu pa mhawm:, mai: ang yuh ceu an, mawh phimap ka son nawh heue.

Lai Romax 3:10

Awm: pa hoit tiem: tix deuh ah nin:, "Ang kwe pwi pa rah pa see, pon ang kwe tix kaux kawx heue."

Lai Romax 3:23

Grawh grawng: nawh pwi hoit yuh phimap khawm: uik mai: ang pon ang hwet ka min: plakngai: Siyiex.

Lai Yohan Phuk Tix 3:10(b)

Pwi mawx ang ah pa ang yuh pa rah pa see mai: ang moh ka puxaik tix, ang dex ang dawd mai: Siyiex heue.

Lai Isayax 53:6(a)

Ex khawm: uik, hoit awm: yung: pa lud krax, ex ku kaux hoit tang: veeh tix hu: daux krax cao: tix.

13. GRAWNG: KRAX PA MHAWM: PA HAWT YUH MAI: ALO TIX ANG KHAW: ANG CAW RHAWM: SIYIEX HEUE

Lai Romax 10:2/3

Grawh grawng: nawk aux kham: mhai: sakse: son kix grawng: pa chix viex kix khawm: rhawm: khawm: rhi: tix yuh son Siyiex, vieang mawh nan: ang khaw: mai: krax tawng krax yung pa mawh pa meh heue. Mawh kheu ang kix tawng kah krax rah krax see Siyiex, mai: sawg tix kieh kwe kieh kaux krax rah krax see tokaux tix, ang kix kwe krax cu krax nghiet ka pa rah pa see Siyiex heue.

Lai Isayax 64:6(a)

Mai: yix khawm: uik, awm: ceu pa ang singax, mai: krax pa rah pa see yix khawm: uik awm: kraung pa seeing: heue.

Lai Yezakhelax 33:13

Yam ah aux nin: ka pwi rah pwi see nawk sang pon tix im: ju tete kawx, Phan: nawk kawn: een: rhawm: ka krax pa rah pa see yuh tix mai: phit lud, pa rah pa see yuh nawk khankix,tak mawh pa ang lai deeh doh keud kah,vieang mawh nan: nawk tak yum kheu: phimap pa phit pa lud tix heue.

Lai Romax 8:8

Mai: kix pa ot ka daux nex nham:, ang chix yuh pa khaw: pa caw ka rhawm: Siyiex.

Lai Romax 3:20(a)

Mawh kheu pwi ti kaux kawx ang lai hwet krax rah krax see ka sivoe Siyiex, kheu: pa twah pa klaung: hawt lai been li.

Lai Kawrinthux Phuk Ra 3:5

Ang lai mawh kheu kub sibrawm ex tix pon yuh ka tokaux tix, tix sang keud sang sawn: tix ceu ceu mawh pa mawh khaing: tokaux tix, vieang mawh nan: pa to pon ex tix yuh mawh khaing: Siyiex.

14. GRAWNG: PA PON LUAN EX KHAING: PHIMAP MAWH KHEU KEEING :CAO: SIYIEX

Lai Romax 5:12

Mawh kheu nan:, awm: phimap hoit laig daux haktiex kheu sipeag pwi tix kaux, mai: krax yum hoit laig kheu: phimap, mai: mawh kheu: pwi khawm: uik hoit yuh phimap, krax yum hoit tah ka pwi khawm: uik heue.

Lai Yakop 1:15

Mawh kheu: nan:, yam alo nex nham: hoit nghe:, yam keh lih phimap phighram, mai: phimap yam uik die hwan: nawh viex lih krax yum heue.

Lai Yezakhelax 18:20(a)

Ju khwan: pa yuh phimap, tak yum tete.

Lai Isayax 59:2

Vieang mawh nan:, krax pa phit pa lud pex khankix hoit kieh pex gwieh tix khaing: Siyiex pex, mai: phimap phighram: pex hoit kieh Nawh mox pakngai: Tix khaing: pex, son sang ang nawh lai mhong: heue.

Lai Loxkab 11:19

Awm: dex dawd pa rah pa see ka ju pa im:, mai: pwi pa hawt tix sawg phimap kawx, chix sawg tum si dah yum tix heue.

Lai Grawng:been Phuk Ra: 24:20(b)

Siyiex ah nin: pex phit lud ka gumlox pingnyap Simieang Siyiex, son ang pex lai pon tix kwe krax haok krax hwan: yuh ka mawh lieh? Grawh grawng: nawh pex hoit tik hoit vud ka Simieang Siyiex heue. Nawh Cao: kawx hoit tik vud ka pex heue.

Lai Samoelax Phuk Tix 15:23

"Mawh kheu pa tieh feen awm: phimap pa yuh phicaox, mai: pa kien: Rhawm: awm: phimap pa caox mai: pa krup rieng rao. Mawh kheu maix hoit thieang: ka gumlox Simieang Siyiex, Nawh kawx thieang: ka khunhawkham: mawh maix."

15. GRAWNG: PA HWET KRAX PA SONG: RHAWM: SONG: RHI: SIYIEX KA PIANG PHIMAP PHIGHRAM:

Lai Yaogyaw 7:11

Siyiex mawh Cao: pa prawng ca: rah see, mai: Nawh Cao: songrhawm: ka pwi pa ang rah ang see jheeng: jheeng:.

Lai Nahom 1:3(a)

Simieang Siyiex mawh pa ang yie song:rhwam: song:rhi: mai: mawh pa kied ting siawp sibrawm, mai: tak ang pluat phimap pwi pa caox pa caig khawm: uik heue.

Lai Kawlawsie: 3:6

Mawh kheu: grawng: ceu an khankix, pa songrhawm: songrhi: Siyiex hwet ka pieang kawn: pa lieh lox khankix.

Lai Romax 1:18

Grawh grawng: nawh pa songrhawm: songrhi: Siyiex plak sidawng: khaing: raoma:, ka pieang pwi pa ang nab ang yam ka Siyiex, mai: pa ang rah ang see khawm: uik, pa mawh pa kieh pa raw ka pa mawh pa meh, ka daux pa ang rah ang see heue.

Lai Romax 1:29-32

Mai: kix naog ka can pa ang rah ang see khawm: uik, pa mawh pa caox pa caig, mai: pa ghoeng:, mai: pa kwe rhawm: tix sang yuh pwi laux, pa naog ka pa boh rhawm: boh rhi:, mai: pa pah pwi yum, mai: pa simah simaing:, mai: pa pie pa lhen:, mai: pa koeng, mai: pa ah lox suksiep, mai: pa nieb yuh plakngai: pwi laux, mai: pa koeng Siyiex kah, mai: pa ang chix nab chix yam, mai: pa ca: nyhau: ting rhawm:, mai: pa nieb yaw tix, mai: pwi pa lih tix keud tix yuh ceu pa caox pa caig, mai: pa ang chix cu chix nghiet ka lox miex keeing: tix, mai: pa ang chix tawng chix yung, mai: pa ang kaux sijax ka lox mukheu, mai: pa ang kwe krax moh awm: pa sax kwe been moh pwi paoxtix, mai: pa ang chix caoxtawm: caoxtawm: Vieang kix hoit tawng grawng: pa prawng pa ca: Siyiex, hoit een: grawng: pwi pa yuh nan: khaw: tix yum kawx, tokaux kix ang joeng yuh ceu an khaing:, vieang mawh kawx nan:, tokaux kix ang joeng yuh ceu an khaing:, vieang mawh kawx nan: kix yaw mai: caw rhawm: khawm: ka pwi pa yuh nan: heue.

16. GRAWNG: KRAX PRAWNG KRAX CA: BAWG NGHOIT

Lai Hebie 9:27

Awm: pa hoit ciak tix kieh pwi yum ti bawg, mai: khaix hoit yum tak sang yaox pa prawng pa ciyang.

Lai Plakjhi: 20:12/15

Mai: aux yaox pwi pa hoit yum, khawm: pa ieak pa ting, cung ka sivoe dang:ngeung an heue. Mai: paoh ka phuk lai khankix, mai: baox paoh ka phuk lai tang pheen: tix pheen:, pa mawh phuk lai pa im: ju heue. Mai prawng ca: ka pwi pa hoit yum khankix khaing: daux ceu pa hoit tiem: tix deuh ka daux phuk lai khankix, awm: pa khaw: mai: ceu pa hoit tang: yuh kix heue. Phan: yaox pwi tix kaux kaux pa ang lai tiem: tix deuh ka daux phuk lai pa im: ju an. teei tix taing nawh sau: daux nhawng: ngu an heue.

Lai Hebie 10:31

Pa rau tix laig ka daux tawm taix Siyiex pa im: ju, mawh ceu pa kied lhat kied graung heue.

Lai Mathiex 12:36

Aux krai ka pex, gumlox ku gum pa nieb krai pwi giex going kix tak sang krai doh grawh grawng: gumlox an khankix ka daux singaix prawng singaix ciyang sax heue.

Lai Sidiex 12:14

Mawh kheu Siyiex tak cied ka kaing ku ceu mai: rom tix prawng ca: tau khawm: ceu pa hoit mox tix khankix, vieang mawh pa mhawm: ang ah mawh pa caox ang ah heue.

Lai Mathiex 13:49/50

Mai: Nawn Cao: nyeu taix Tix plak kawn:cau Nawn khankix mai: ah nin; "Jhak heue, miex Aux mai: pux Aux khankix, Mawh kheu pwi mawx ang ah pa yuh alo pa khaw: pa caw rhawm: Keeing: Aux pa ot ka daux meung raoma:, pwi an mawh pux Aux, mai: nan: Aux, mai: miex Aux heue."

17. GRAWNG: PA ANG EX DOH PON MOX TIX GLIP KHAING: SIYIEX

Lai Loxkab 15:3

Ngai: Simieang Siyiex kwe ku dah ku dee, mai: jhak ka pa mhawm: mai: pa ang mhawm: heue.

Lai Yaogyaw 139:1-4

Simieang Siyiex eue, Maix chawk cheng: tix yaox aux Maix tawng heue. Maix hoit tawng ka pa ngawm aux, mai: pa cung aux, Maix ot dee singai mai: tawng ka pa keud pa sawn: aux heue. Maix chawk cheng: tix yaox ka pa hu: pa it aux, mai: Maix hoit tawng ka jhawm: hu: jhawm: ing: aux khawm: uik heue. Ka: sivoe ang aux nyang lih lox ti gum kawx, Simieang Siyiex eue, Maix hoit tawng kah grawng: khawm: uik heue.

Lai Samoelax Phuk Tix 16:7(b)

Vieang mawh nan: Simieang Siyiex ah nin: ka Samoelax, "paw jhak pak peung ngai: baoh, mai: krax lhaong: jung, Aux hoit thieang: ka nawh; mawh kheu pa yaox Simieang Siyiex ang awm: pa yaox kawn: pwi, kawn: pwi jhak ka grang pak peung ka praix, vieang mawh nan:, Simieang Siyiex jhak ka daux rhawm: rhi:."

Lai Yaogyaw 94:9

Siyiex hoit yuh yhaok, yhaok an ang mhong: lieh? Mai: Siyiex hoit yuh ngai:, ngai: an ang yaox lieh?

Lai Yeramix 16:17

Mawh kheu ngai: Aux jhak ka pieang krax hu: kix khawm: uik mai: kix ang chix mox tix plak sivoe ngai: Aux, mai: krax phit krax lud kix ang lai chix mox tix khaing: ngai: Aux heue.

Lai Hebrie 4:13

Mai: ceu pa hoit phan: hoit deuh ang kwe ti ceu kawx pa ang sidawng: ka Nawh Cao:, vieang mawh kawx nan: ku ceu khawm: uik mawh pa kakaong: mai: pa hoit paoh ka sivoe ngai: Nawh Cao:, pa mawh Cao: pa sang prawng sang ca: ka ex heue.

18. GRAWNG: LO EX VEEH TIX HU: KHAING: PHIMAP PHIGHRAM: PA YUH TIX

Lai Yezakhelax 18:23

Mawh nyawm rhawm: nyawm rhi: Aux ka daux pa yum pwi pa caox pa caig khankix lieh? Mai: ang Aux nie sime Tix deeh kieh kix veeh tix khaing: krax nawk mai: im: ju lieh? Simieang Siyiex ah nan: heue.

Lai Lukax 13:3

Aux krai ka pex, ang mawh. Vieang mawh pex kawx, phan: pex ang doh keud doh sawn: ka phimap tix, pex tak sang laux leeing: awm: an khawm: uik heue.

Lai Loxkab 28:13

Pwi pa kheem: ka phimap tix, ang lai pon pa mhawm:, pwi pa doh keud tix tik ka phimap tix, nawk tak pon krax caoxrhawm: Nawh Cao: heue.

Lai Yolax 2:12/13

Mawh kheu nan: yam in Simieang Siyiex ah nin: deeh veeh tix ing: ka Aux, khawm: rhawm: khawm: rhi: tix, mai: twah pa ih pa un:, mai: yiem yo, mai: krax pa khi:rhawm: tix heue. Mawh kheu nan: riah rhawm: pex mai: paw riah kraung ceep pex, deeh ing: ka Simieang Siyiex, pa mawh Siyiex pex heue. Mawh kheu Nawh Cao: kwe krax pa tawx bwan: son mai: krax pa chix caox rhawm: caoxrhi:, Nawh Cao: lang: rhawm: mai: mawh pa grum kwe krax moh krax rhawm: mai: Nawh Cao: tak sang deeh tieh rhawm: rhi: Tix ang tawx krax kha:rhawm: heue.

Lai Hose 14:2(a)

Deeh ing: ka Simieang Siyiex mai: kwe gumlox pa rawg bwan: ka Nawh Cao: ah nin:, teei phimap phighram: khankix luan, rieb tix teei ceu pa mhawm: heue.

Lai Yawbax 33:27(a)29/30

Mai: nawk tak rhax lai sivoe ngai: pwi mai: ah nin:, "aux hoit phit hoit lud, "Jhak heue! Siyiex yuh ceu an khankix, ka pwi ra: bawg, mai: loe: bawg heue. Son sang teei khwan: ju nawk khaing: daux simeeg, mai: son sang kieh pa rieang nawk mawh pa jhan: rieang ka daux ju pwi pa im: heue.

19. GRAWNG: KRAX PA DOH KEUD KA PHIMAP TIX MAWH PA VIEK KRAX PA PLUAT PLOI: HWET HEUE

Lai Isayax 55:6/7

Sawg ka Simieang Siyiex, yam kawn: pon pex tix sawg ka Nawn Cao:, kok ka Nawn Cao: yam kawn: dex Nawn Cao: heue. Kieh pwi caox pwi caig tik vud ka daux krax caox tix, mai: pwi pa ang rah ang see khankix tik vud ka krax keud krax sAWN: tix, kieh nawn deeh ing: hwet ka Simieang Siyiex, mai: Simieang Siyiex tak kwe krax caoxrhawm: ka nawn, mai: hwet ka Siyiex ex. Mawn kheu Nawn Cao: tak yuh krax pluat plo: pa kied ting heue.

Lai Yaogyaw 34:18

Siyiex ot dex pwi pa lauxrhawm:, mai: Nawn taoh ka pwi pa awnrhawm:.

Lai yaogyaw 32:5

Aux krai doh phimap phigrham: sivoe ngai: Maix, aux ang mox phimap pa phit pa lud tix, aux khyox khaw: grawng: pa lheu: aux lox Maix Simieang Siyiex. Maix hoit pluat plo: phimap pa phit aux.

Lai Yohan Phuk Tix 1:9

Phan: ex krai doh grawng: phimap phighram: ex, Nawn kaux sijax mai: rah see son sang pluat plo: phimap phighram: ex, mai: son sang kieh ex singax khaing: pa ang rah ang see khawm: uik heue.

Lai kawncau 3:19(a)

Mawn kheu nan: doh keud doh sAWN: ka phimap tix, mai: deeh tieh tix, yuh ka mawn son sang preet phimap phigrham: tix....

Dee bleeh pa ah ex krax pa doh keud ka phimap tix, mawn pa veeh ex tix hu: khaing: phimap ceu pa yuh tix mai: pa hwet ex tix khyox khaw: ka keeing: Cao: Siyiex heue.

20. GRAWNG: LO EX TIX AP PONG KRAX TAN PA DEEH MHAWM: TAU MAI: PA YUH PAOX YUH PIE TAU MAI: SIYIEX

Lai Krub 1:4/17:11

Nawh tak deuh taix tix ka pieang kaing: moi sang tan an, mai: an tak mawh pa pon rieb tix teei son pa sang pluat ploi: phimap nawh. Mawh kheu ju pa im: kwe ka daux nham:, mai: Aux hoit tawx an ka pex ka pieang khu: dee tan, son sang mawh pa yuh krax pa khyox khaw: mai: krax pluat ploi: son ju pex, grawh grawng: nawh an mawh nham: pa yuh krax pa khyox khaw: mai: krax pa pluat ploi: son ju.

Lai Hebre 9:22

Mai: phan: awm: pa khaw: mai: lox lai been li, kieh ku ceu khawm: uik dex singax singeh ka nham:, mai: phan: ang mawh ka pa lih nham: ang kwe krax luan khaing: phimap heue.

Lai Lihu: 12:5(a)/13

Kawn: yung: an tak mawh pa ang kwe dee mat dee plieag, mai: kieh mawh kawn: yung: mhaing: pa ang nyang naog ti num. Yam in nham: tak mawh mhai: sakse: son pex, ka daux nyiex pa ot pex. Mai: yam yaox Aux ka nham:, Aux tak via khaing: pex, mai: krax kharhawm: tak ang lai hwet ka pieang pex, mai: son ang pex sang laux leeing: yam hwet Aux tix pah ka kawn: liang haktiex Ijiptux.

Lai Yamjah 22:8/13

Mai: Abraham deeh ah nin:, "kawn: eue, Siyiex tak tawx kawn: yung: an, son pa sang gleeing ex tix tan son Nawh Cao: heue." Kiex ra: kaux lih hu: tau heue. Mai: Abraham yaog ngai: tix mai: jhak, nawh yaox ka kawn: yung: mhaing: timu: plak khaix nawh, pa vung vhien: rung: tix ka yeem heue. Mawh kheu nan:, Abraham hu: teei kawn: yung: iak an, mai: gleeing pieang khu:, tang: kawn: tix heue.

21. GRAWNG: MAWH YESUX KAWN: YUNG: PA KHRE: SIYIEX TIX TAWX KA EX

Lai Yohan 1:29

Singaix pasax Yohan yaox Yesux hwet ka nawk, mai: ah nin; "Jhak heue, Kawn: Yung: Siyiex pa teei phimap phighram: haktiex hu:.

Lai Isayax 53:6(b)/7

Simieang Siyiex hoit deuh phimap phighram: ex khawm: uik ka pieang Nawh heue.

Nawh hoit mawh pa kham: krax yeen ya, mai: yam kham: Nawh krax kharhawm:, Nawh kwe krax tiem rhawm: tiem rhi: ang ang: moing tix, Nawh hoit tok tix hu:, awm: kawn: yung: pa sang pah tix yum, mai: awm: yung: pa ang nye:, ka plak sivoe cao: pa rhip hauk nawk khankix heue. Mawh kheu nan:, Nawh ang ang: jheeh tix heue.

Lai Hebre 9:12/28(a)

Mai: ang Nawh lai teei nham: pex mai: nham: kawn: moi khankix, vieang mawh nan: teei ka nham: tokaux Tix mai: laig ka daux Dui Kied Singax Singeh, tix bawg khaing: son ku jheeng: jheeng:, khaix hoit pon krax taoh leeing: ju leeing: phan: ka son ex heue. Awm: an Cao: Khrit kawx hoit tan ka tokaux Tix tix bawg khaing: son sang viex phimap pwii tom nie hu:.

Lai Hebre 9:14

Nham: Cao: Khrit pa tokaux Nawh pa loig pa ang kwe dee ne hoit tan lu ka Siyiex kheu Khwan: Singax Singeh leeing: ju leeing: phan:, tak sang nie lheu: kieh dee chix keud chix tawng pex singax khaing: krax twah krax klaung: pa dex mai: krax yum, tix sang yuh kaing krub ka Siyiex pa im: ju miex ding?

22. GRAWNG: PA DHA SIYIEX TIX KHRE: MAI: PA LAUG NAWHCAO: TIXTEEI

Lai Romax 3:24/26

Vieang mawh nan; kheu bwan: son Siyiex kix pon hwet krax rah krax see giex, ang tawx ngawh, kheu krax taoh pa kwe ka daux Yesux Khrit, yuh ka mawx son sang jhi: pa rah pa see Nawah ka daux bawg yam in, mai: son sang rah see tokaux Nawah, yam kieh pwi pa yum:rhawm: daux Yesux Khrit mawh pa rah pa see heue.

Lai Romax 5:8/9

Vieang mawh kawx nan: Siyiex jhi: mhai: sakse: grawng: pa moh Nawah ka ex, ka daux pa yum Cao: Khrit son ex, yam kawn: mawh ex pwi phimap phighram: heue. Mawh kheu nan:, phan: ex hoit pon tix hwet krax rah krax see yam in, kheu nham: Nawah Cao:, ex tak sang nie lheu: pon pa taoh khaing: pa songrhawm: songrhi: Siyiex kheu Nawah Cao: heue.

Lai Kalatix 2:15/16

Ex raux mawh nex nham: pwi Yudax, mai: ang mawh pwi phimap phighram: tang: ceu tang: cat, vieang mawh kawx nan: ex tawng grawng: pwi ang hwet krax rah krax see, kheu pa twah pa klaung: ka lox lai been li, vieang mawh nan: hwet kheu krax yumrhawm: ka Yesux Khrit, awm: hoit yumrhawm: ex ka Yesux Khrit, yuh ka mawx son sang pon ex tix hwet krax rah krax see kheu pa yumrhawm: ka Cao: Khrit, mai: ang mawh kheu krax twah krax klaung: ka lox lai been li, mawh kheu pwi ti kaux kawx ang hwet krax rah krax see, kheu pa twah pa klaung: ka lox lai been li heue.

Lai Efesux 2:8/9

Grawh grawng: nighth pex hoit hwet krax taoh kheu bwan: son ka daux krax yumrhawm:, mai: ang mawh kheu tokaux tix, mawh khawngphak pa tawx Siyiex. Ang mawh kheu krax twah pa yuh tix, mawh kheu nan: ang pwi pon yaw tix tikaux kawx ka grawng: an heue.

Lai Kawn:cau 4:12 Mai: ang kwe ceu pa taoh ka daux tang: kaux tix kaux kawx, mawh kheu ang kwe ceukaux tang: kaux greem: raoma:, pa hoit tawx ka sinax kawn: pwi, ka daux dee sang hwet ex krax taoh heue.

23. GRAWNG: KRAI PAO: PA KEH YESUX

Lai Lukax 1:26-38

Khaix an ka daux liah khix, Siyiex ploi: kawn:cau Naws Gabrelax hu: ka daux veng meung Galilie tix veng, pa kok mawh Nazariet, ka bon krih tix kaux, pa hoit chawk pwi tix kaux, pa kaux Yosiep, pa mawh ru Dawit, mai: ceukaux bon krih an mawh Marix heue. Mai: kawn:cau Siyiex an laig mai: ah nin: ka naws, "Bon pa kwe bwan: son eue, kieh maix gauxrhawm: heue. Siyiex ot tau mai: maix. Ka daux ceu bon maix kied ting bwan: son heue." Vieang mawh nan:, naws kiet sungsang rhawm: ka lox in, mai: keud jee keud blaong daux rhawm: tix, gragh grawng: dee bleeh ceu an. Mai: kawn:cau Siyiex an ah nin: ka naws, "Marix eue, paw lhat paw graung, kheu maix hoit pon bwan: mai: Siyiex. Mai: jhak heue, maix tak kwe kaux daux vaig tix, mai: keh kawn: simex tix kaux, mai: tak kok ceukaux Naws mawh Yesux heue. Naws tak ting tak lhaong:, mai: tak kok Naws mawh Kawn:, Kaw pa ting pa lhaong: khaing: khawm: uik, mai: Simieang Siyiex tak tawx ka Naws dang:ngeung keeing: Naws Dawit heue. Mai: Naws tak giex kaing: ceucat Yakop leeing: ju leeing: phan:, mai: Meung Naws tak ang chix sidah ang chix jud chix jai heue." Vieang mawh nan: Marix chawk ah nin: ka kawn:cau Siyiex an, "Ceu in chix mawh yuh ka mawx? Kheu aux ang kwe mex mai: ang pied ang pha: simex heue." Mai: kawn:cau Siyiex an deeh pawk lox mai: ah nin: ka naws, "Khwan: Singax Singeh tak sang hwet ka pieang maix, mai: siawp sibrawm Kaw pa ting pa lhaong: khaing: khawm: uik, tak sang tawb veei ka pieang maix, mawh Kawn: Siyiex heue. Mai: jhak heue, bon paoceu paoxcat mai: yamin uik kwe liah khix khawm: ah pwi pa neh kah. Mawh hkeu gumlox Siyiex pa ang kwe siawp sibrawm tak ang kwe tix gum kawx heue." Mai: Marix baox ah nin:, "Jhak heue, aux mawh bon cawng Simieang, awm: lox krai maix kieh mawh ka aux heue." Mai: kawn:cau Siyiex an lih hu: khaing: naws heue.

Pa lih hwet ka pieang haktiex in mai: pa keh ang awm: kawn: pwi piang ca: haktiex Ra: kaux mawh Adam Mai: Cao: Khrit heue. kheu Adam, phimap hoit laig ka daux kawn: pwi haktiex, Kheu Yesux, kawn: pwi haktiex hewt krax taoh mai: pon pex ka phimap phighram: heue.

24. GRAWNG: MAWH YESUX MAWX TETE LIEH

Lai Philippix 2:6/8

Kaw pa vieang Nawh hoit mawh ka daux rieang pakpeung Siyiex kawx, ang lai een: lai sawn: ceu pa mawh pa sidu mai: Siyiex tix mawh pa jhawp kah. mai: yam mawh Nawh rieang pakpeung kawn: pwi, Nawh yuh tokaux Tix tiem mai: cu nghiet tom geu: pa yum, mawh heue, tom yum ka pieang khaoxlhak heue.

Lai Yohan 10:30/36

Aux mai: Keeing: Aux mawh tix kaux khaing: pex sang ah grawng: Kaw pa Siyiex hoit kieh singax, mai: ploi: hwet pieang haktiex, 'Mai: salao ka Siyiex, kheu hoit krai Aux, 'Aux mawh Kawn: Siyiex,' lieh?

Lai Romax 1:3-4

Grawh grawng: Kawn: Nawh Cao:, pa hoit keh awm: pa khaw: plak nex nham: ka daux ceucat Dawit. Phan: mawh awm: pa khaw: plak khwan: pa dex mai: pa singax singeh. hoit sidawng: mawh Kawn: Siyiex tau mai: siawp sibrawm, ka pa deeh kaoh im: khaing: krax yum heue. Pa mawh Simieang ex Yesux Khrit.

Lai Yohan 20:28

Thoma deeh pawk lox mai: ah nin: ka Nawh Cao:, "Simieang aux, mai: Siyiex aux."

25. GRAWNG: MAWH YESUX MAWX TETE LIEH

Lai Temose Phuk Tix 3:16(a)

Ceu pa chix nab chix yam mai: pa yuh pa khaw: ka Siyex, mawh pa kied ting raux, mai: ang kwe dee ne dee ah ka grawng: an heue.

Lai Kawlawsie: 2:9

Grawh grawng: nighth ka daux Nighth Cao: hoit ot pa grum naog Siyex khawm: uik ka daux rieang pakpeung tokaux.

Lai Isayax 9:6

Grawh grawng: nighth kawn: ngie: hoit keh son ex tikaux, kawn: simex tikaux mawh pa hoit tawx tix ka ex, siawp sibrawm krax kwang tak kwe ka pieang klip Nighth Cao: heue. Mai: ceukaux Nighth Cao: tak kok mawh pa daox pa am:, Cao: pa up peung, Siyex pa ting rieang ting rao, keeing: leeing: ju leeing: phan:, Simieang Cao: pa nhim: heue.

Lai Yohan 8:58

Yesux baox ah nin: ka kix, "Aux krai lox tete telai ka pex, ka ang Abraham nyang bax keh, Aux hoit dawg mawh heue."

Lai Yohan 1:4

Ka daux Nighth kwe Ju Pa Im:, mai: Ju Pa Im: an mawh Pa Rieang kawn: pwi heue.

Lai Kawlawsie: 1:14/15(a)

Ka daux Kawn: Nighth an ex hwet krax taoh mai: krax pluat ploi: phimap phighram:. Kaw an mawh rieang pakpeung Siyex pa ang chix yaox kah, pa mawh pa liang tix keh sivoe can pa phan: tix deuh khawm: uik.

26. GRAWNG: MAWH LAI SIGANG: SI: GUM LOX KEEING: CAO: SIYIEX

Lai Petrux Phuk Ra: 1:21

Grawh grawng: nawh lox jhai: ang sax lih hwet kheu alo kawn: pwi tix bawg kawx, vieang mawh nan: Khwan: Singax Singeh hoit kieh pwi pa singax singeh khankix, krai lox pa kaoh khaing: Siyiex heue.

Lai Lukax 1:70/77

Awm: hoit krai Nawh ka jheeh cao: jhai: pa singax singeh khankix, pa hoit kwe, di dix. Son sang kieh pwi cie Nawh tawng grawh grawng: krax taoh, ka daux pa pluat ploi: phimap phighram: kix heue.

Lai Samoelax Phuk Ra: 23:2

Khwan: Simieang Siyiex ah nin: ka aux, mai: gumlox Nawh Cao:, hoit kwe ka pieang dak aux.

Lai Tawx been bawg Ra: 6:6

Mai: priex lox tawm: Aux ka daux rhawm: tix daux in singaix.

Lai Timose Phuk Ra: 3:16/17(b)

Phuk lai sigang: si: can pa kwe khankix, mawh pa hoit phlu: Siyiex bhawm:, mai: kwe bwan: son, son pa gau, mai: son sang plak jhi: tix tawng phimap, mai: son pa cox dee lud, mai: son pa gau ceu pa rah pa see, mai: pa hoit rien tix son kaing pa mhawm: ku ceu heue.

Lai Romax 15:4

Grawh grawng: nawh can pa hoit tiem: tix deuh glangka: in dix, mawh pa hoit tiem: son sang gau ka ex, yuh ka mawx son sang kwe krax keud pot jun pot, kheu pa chix gun chix yeung, mai: pa nyawmrhawm: nyawmrhi: kheu Phuk lai sigang: si: heue.

Lai Mathiex 22:29

Vieang mawh nan:, Yesux pawk lox mai: ah nin: ka kix, "Pex phit pex lud kheu ang pex tawng Phuk lai sigang: khri: mai: siawp sibrawm Siyiex heue."

27. GRAWNG: MAWH YESUX GUM LOX KEEING: CAO: SIYIEX

Lai Plakjhi: 19:13

Mai: Nawn ceep ka kraung pa hoit cub ka daux nham:, mai: kok ceukaux Nawn mawh, GUMLOX SIYIEX heue.

Lai Yohan 1:14

Yam jah kwe Gumlox, Gumlox an ot mai: Siyiex, Gumlox an mawh Siyiex heue. Gumlox an hoit lih mawh Nex, mai: ot sinax ex, mai: ex pon yaox min: plakngai: Nawn, pa awm: min: plakngai: Kawn: Keeing: Cao: ti kaux khaing;, pa naog bwan: son mai: pa mawh pa meh heue.

YESUX MAWH PA PLAKJHI: KIEH TAWNG KA KEEING: CAO:

Lai Kawrinthux Phuk Ra: 4:6

Grawh grawng: nawn Siyiex pa hoit ah, "Kieh pa rieang lih jhan: khaing: daux pa vhaik," hoit jhan: rieang ka daux rhawmrhi: ex, son sang tawx pa rieang krax tawng krax yung ka min: plakngai: Siyiex, ka daux pakngai: Yesux Khrit heue.

Lai Yohan 1:18

Yam mawx ang ah, pwi ang sax yaox Siyiex ti kaux kawx. Kawn: Cao: ti kaux khaing: pa ot pieang naok Keeing: Cao:, mawh pa hoit plak kieh tawng Nawn heue.

GRAWNG: PA SIKAH KEEING: CAO: MAI: YESUX

Lai Hebrie 1:1

Siyiex pa hoit sikah ka tax du ex khankix ka daux cao:jhai: khankix, tom nie bawg mai: ka tom nie ceu di dix.

Lai Yohan 8:38

Aux sidiex ceu pa hoit yaox Aux mai: Keeing: Aux khankix, vieang pex kawx yuh ceu pa hoit yaox pex ka keeing: pex heue.

**28. GRAWNG: GUM LOX LAI SIGANG: SI: PA HOIT TIEM: KU
GUM KHANKIX MAWH PA HOIT RA: LAI KHAW: CAW TAU
MAI: MAWH GUM LOX PA IM: JU**

**PHUK LAI SIGANG: SI: MAWH SON PRIEX JU PRIEX PHAN:
Lai Yawbax 23:12(b)**

Aux hoit priex gumlox pa kaoh khaing: jheeh Nawh Cao:, nie lheu: ting ngawh khaing: pa ih pa un: tix heue.

Lai Mathiex 4:4

Pwi tak im: kheu khaomun nong: nong: ang mawh, vieang mawh nan:, im: kheu lox pa lih khaing: jheeh Siyiex ku gum heue.

**GUM LOX LAI SIGANG: SI: MAWH PA
RIEANG KA DAUX KRAX HU: EX**

Lai Yaogyaw 119:105

Gumlox Maix mawh kawk ngu son caong aux, mai: mawh pa jhan: rieang ka daux krax aux heue.

Lai Yaogyaw 119:130

Gumlox Maix mawh pa plak jhi: pa rieang, ka pwi pa ang tawng tid tix khankix, kieh deeh tawng heue.

YESUX MAWH KHAOMUN PA LIH HWET KHAING: RAOMA:

Lai Yohan 6:51/48

Aux mawh khaomun pa im: ju pa li hwet khaing: raoma:, phan: pwi ih khaomun in nawh tak im: leeing: ju leeing: phan:. Khaomun pa sang tawx Aux mawh nex Aux heue, Aux sang tawx son sang im: ju haktiex heue. Aux mawh khaomun pa im: ju heue.

YESUX MAWH PA RIEANG HAKTIEX

Lai Yohan 1:4/8:12

Ka daux Nawh kwe Ju Pa Im:, mai: Ju Pa Im: an mawh Pa Rieang kawn: pwi heue. Yam an Yesux baox ah nin: ka kix ti bawg, "Aux mawh Pa Rieang haktiex heue. Kaw pa hawt khaix Aux tak ang hu: ka daux pa vhaik, vieang mawh nan: nawh tak sang pon pa rieang pa im: ju heue."

29. GRAWNG: PHUK LAI SIGANG: SI: HOIT NAOG KA PLIX JU PA TAWX JU HEUE

Lai Yaogyaw 1:2/3

Mai: pwi pa gauxrhawm: ka daux been li Simieang Siyiex, mai: pa keud ku singaix ku sawm:, kwe bwan: son. Nawh awm: khaox pa kuah praox rawm: klawng: mai: yam hwet bawg yam, chix plix plix. Mai: lhax nawh kawx, ang chix teue: chix kroh, mai: kaing pa yuh nawh ku ceu khawm: uik tak sang ting lhaong:.

YESUX HOIT GRUM NAOG KA PA TAWX PLIX JU

Lai Yohan 15:4/5

Ot ka daux Aux, mai: Aux ot ka daux pex. Awm: kak ang chix plix plix nong: nong: phan: nawh ang ot ka daux nhu: miex, awm: an phan: pex ang ot ka daux Aux, pex ang chix plix plix. Aux mawh nhu: plix siuet, mai: pex mawh kak khankix heue. Kaw pa ot ka daux Aux mai: Aux ot ka daux nawh, chix plix plix haoh hun: Grawh grawng: nawh phan: pex tang: tyah khaing: Aux, pex ang chix yuh tid tix heue.

BAUX LOX LAI SIGANG: SI: KHANKIX MAWH PA KRAI GRAWNG: YESUX KHRIT HEUE

Lai Yohan 5:49

Pex sawg daux Phuk lai sigang: si: kheu ce: pex tix sang pon ju leeing: ju leeing: phan: ka daux phuk lai an heue, mai: phuk lai an mawh pa kham: mhai: sakse: grawh grawng: Aux.

Lai Lukax 24:27

Nawh Cao: teei lox Phuk lai sigang: si: khawm: uik jah ka lai Mose, mai: lai cao;jhai: khawm: uik, plak tix nih nai krai lao grawh grawng: tokaux Tix heue.

**30. GRAWNG: GUM LOX LEEING: JU CIE KEEING: SIYIEX
BAWG YAM MAWX ANG AH ANG CHIX TIEH CHIX LOH TIX
TI BAWG KAWX**

Lai Yaogyaw 119:89/160

Simieang Siyiex eue, gumlox Maix kaux cong: ka pieang raoma: jheeng; jheeng; heue. Gumlox Maix khawm: uik mawh pa mawh pa meh heue. Mai: pa prawng ca: Maix tix deuh khawm: uik mawh pa kaux pa cong: jheeng; jheeng..

Lai Isayax 40:8

Rib riem tak kroh, mai: tai tak khrum:, vieang mawh nan:, gumlox Siyiex ex tak kaux cong: leeing: ju.

Lai Mathiex 5:18

Aux krai lox tete telai ka pex, tom haktiex mai: raoma: ang nyang bax grai:, ngai: lai lai been li vieang kix iak miex ding ang ah, ang chix grai: chix grup ti gum kawx, tom hoit mawh hoit naog khawm: uik.

Lai Yohan 10:35(b)

Mai: ang chix yuh laux lox phuk lai sigang: si:..

KAWN: PWI ANG CHIX PON BAOX PON TIEH KA LAI SIGANG: SI:

Lai Tawxbeen bawg Ra: 12:32

Can ceu pa tawm: aux ka maix khankix, maix tak priex rhawm: tix mai: hawt tix yuh kah. Maix tak ang pon tix baox thie: gumlox ka pieang an, mai: ang pon tix tieh khaing: an heue.

Lai Loxkab 30:6

Paw lai baox naok lox pieang lox Nawh, phan: yuh nan:, Nawh deuh phimap ka maix, mai: tak mawh pwii pie lhen: heue.

Lai Plakjhi: 22:19

Mai: phan: pwii ti kaux kaux teei tix tieh lih khaing: gumlox jhai: phuk lai in khankix, Siyiex tak sang teei tix tik nyum: son cie nawh pa dex mai: khaox pa im: ju, mai: pa singax singeh, pa hoit tiem: ka daux phuk lai in heue.

Lai Loxkab 13:13(a)

Pwi pa nieb yuh pa ang cee ang cak ka gumlox Nawh Cao:, tak hwet krax laux krax leeing: heue.

31. GRAWNG: PA KHAM: YESUX TIX YUM HOIT GRUM NAOG YUH KRAX KEUD KRAX SAWN: KEEING: SIYIEX

Lai Yohan 10:17/18(a/b)

Keeing: Cao: moh Aux kheu tik Aux ju tokaux Tix tix yum, son sang baox deeh teei Aux kah ti bawg heue. Ti kaux kawx ang teei ju Aux khaing: Aux, vieang mawh kawx nan: mawh pa lak tik Aux tix yum tokaux Tix tiru. Aux kwe siawp sibrawm tix tik tix deuh ju Aux, mai: Aux kwe siawp sibrawm tix deeh teei ju Aux heue.

Lai Yohan 19:11(a)

Yesux baox pawk lox mai: ah nin: ka nawh, "Maix ang tawx ka maix khaing: dee long."

Lai Mathiex 26:53/54

Maix lai ce: ang Aux pon mhaing: ka Keeing: Aux, mai: Nawh tak ploi: kawn:cau Siyiex pa lheu: khaing: kao: liecong ra:(kao:tab ra:)hwet ka Aux yamin lieh? Phan: mawh nan: lox Phuk lai sigang: khri:, pa ah tak mawh nin:, tak chix naog yuh ka mawx?

Lai Kawn:cau 3:18

Vieang mawh kawx nan: ceu pa Siyiex hoit grux jhi: ka jheeh cao:jhai: khankix, grawh grawng: Khrit tak sang kham: geu, Nawh hoit kieh naog yuh nan: heue.

Lai Kawn:cau 2:23

Kaw pa Siyiex hoit dud keud, grux tawng, mai: tawx, pex hoit teei tix tawk Nawh yum pieang khaoxlak, ka tawm: taix pwí ceu pa ang kwe lai been li heue.

Lai Isayax 53:10(a)

Vieang yuh nan:, an hoit mawh pa khawrhawm: Simieang Siyiex son sang yuh Nawh mat, mai: kieh Nawh kwe krax saux nex heue. Nawh Cao: hoit yuh Nawh mawh krax tan pluat ploi: phimap.

32. GRAWNG: SAKSE: PA YAOX KA NGAI: TIX KRAI LIH GRAWNG PA TIK YESUX KA JU TIX

Lai Makux 15:27/28

Mai: kix tawk pwi tud pwi rhim: ra: kaux tau mai: Nawh Cao: pieang khaoxlak, plak taix khawn: dawm: Nawh tix kaux, mai: plak khawn: gwiex Nawh tix kaux. Mai: Phuk lai sigang: si: pa ah nin: hoit naog, "Hoit simin Nawh tau mai: pwi pa yuh pa ang khaw: ang jiet khankix heue."

Lai Mathiex 27:45/50-51/54

Jah ka bawg yam liah nari praix vhaik pieang haktiex khawm: uik tom hwet sidim: nari. Mai: Yesux baox deeh kok yo lox sinum, mai: tawx khwan: Tix dud rhawm: heue. Mai: jhak heue, man: tie daux nyiex bwan: griah ra: pak, jah plak pieang tom hwet ka caong, mai: tok kla: reem, mai: simaox rang: tuh heue. Pwi giex kaing: naing, mai: pwi pa pau Yesux tau mai: nawh, yam yaox kix tok kla: reem, mai: ceu pa hoit mawh khankix, kix kied lhat kah mai: ah nin:, "Kaw in mawh Kawn: Siyiex tete heue."

Lai Yohan 19:32-35/36-37

Mawh kheu nan: pwi naing khankix hu: mai: raig caong kaw phaoka: tix kau pot, mai: tang: kaux an pa hoit tawk tau mai: Yesux. Vieang mawh kawx nan:, yam hwet kix ka Yesux, mai: yaox hoit yum Nawh Cao:, kix ang lai raig caong Nawh pot heue. Vieang mawh nan:, pwi naing tix kaux teei pliah swat paw: Nawh Cao: kah, mai: nham: mai: rawm: lih dom: mawx dom: an heue. Mai: kaw pa hoit yaox grawh grawng: an kham: mhai: sakse:, mai: mhai: sakse: nawh mawh pa mawh pa meh. Mai: nawh tawng grawng: lox pa krai nawh mawh pa mawh pa meh. yuh ka mawx vieang pex kawx tak sang yum:rhawm: kah heue. Gravh grawng: nawh ceu in khankix hoit mawh son sang naog lox Phuk lai sigang: si: pa ah nin:, "Si:ang: Nawh tak ang lai pot ti mu: kawx heue." Mai: daux Phuk lai sigang: si: tang: dah baox deeh ah nin:, "Kix tak sang jhak ka Kaw pa hoit swat kix kah heue."

33. GRAWNG: PEX YESUX KRAX YUM

Lai Kawn:cau 2:24

Vieang mawh nan: Siyiex hoit deeh kieh Nawh kaoh im:, khaix hoit yah ceu pa saux krax yum, mawh kheu krax yum ang lai chix pon giex pon gang: Nawh heue.

Lai Hebrie 2:14/15

Maw kheu nan:, kheu kawn: praix khankix mawh pa rom tix neuex ka daux nex mai: nham:, tokaux Cao: Khrit kawx hoit teei nex mai: nham: pa awm: an, yuh ka mawx kheu pa yum Nawh, Nawh tak sang pon tix yuh laux ka sibrawm kaw pa hoit kwe siawp sibrawm tix kieh yum, pa mawh phicaox, mai: yuh ka mawx son sang pon ploi: ka can kix khawm: uik, pa hoit mawh siliex, glang: yam im: ju kix kheu pa lhat pa graung ka krax yum heue.

Lai Kawrinthux Phuk Tix 15:55

Pa yum eue, pa pex maix kwe dee mawx? Pa yum eue, nyeeig maix kwe dee mawx? Vieang mawh nan: yaogyaw bwan: son Siyiex, pa hoit tawx ex pex kheu Simieang ex Yesux Khrit heue.

Lai Plakjhi: 1:18

Mai: Kaw Pa Im: Ju heue. Aux hoit yum. mai: jhak heue. Aux ca: im: ku ju leeing: ju leeing: phan:, mai: Aux kwe jiak saw pa yum mai: meung yum heue.

Lai Timose Phuk Ra: 1:10

Vieang mawh nan: hoit sidawng: yamin ka pa lih bleeh Cao: Taoh ex Yesux Khrit, Kaw pa hoit kieh klo: krax yum, mai: pa viex pa im:, mai: pa ang chix yum, ti kieh sidawng: ka daux lox bwan: gauxrhawm: gauxrhi:.

34. GRAWNG: PACAW EX TIX YUH KA MAWX KA HOIT DEX TIX MAI: YESUX

Lai Plakjhi: 3:20

Jhak heue, Aux cung ka sivoe siviex, mai: gleuh ka heue. Phan: pwi ti kaux kaux mhong: lox Aux mai: paoh siviex, Aux tak laig ka dee ot nawh, mai: Aux tak sawm: rheep tau mai: nawh, mai: nawh tak sawm: rheep tau mai: Aux heue.

Lai Romax 4:5

Vieang mawh kawx nan: kaw pa ang yuh kaing, mai: yum:rhwam: ka Kaw pa kieh pwi caox pa ang nab ang yam mai: pa yuh pa ang khaw: ka Siyex rah see, pa yumrhwam: nawh an hoit sawn: mawh pa rah pa see heue.

Lai Yohan 20:22(b)/16:24(b)

Pex rieb tix teei kah Khwan: Singax Singeh awawx. Yuh ka mawx krax gauxrhawm: pex sang naog, rawg heue, mai: pex tak pon.

Lai Romax 10:9

Mawh kheu phan: maix kham: grawng: rieb tix teei Yesux mawh Simieang ka jheeh tix, mai: yum:rhwam: ka daux rhawm: maix, grawng: Siyex hoit kieh Nawn Cao: deeh kaoh im: khaing: krax yum, maix tak sang hwet krax taoh heue.

Lai Mathiex 10:37(a)/16:24/25

Kaw pa nie lheu: moh miex moh keeing: tix khaing: Aux, ang keung: ka Aux, Yam an Yesux ah nin: ka kawn:cau Nawn khankix, "Phan: pwi ti kaux kaux simie tix hawt khaix Aux, kieh nawh thieang: tix tik tokaux tix mai: klawm: khaoxlak tix mai: hawt Aux heue. Mawh kheu pwi mawx ang ah, pa simie tix taoh ju tokaux tix, tak sang som ju heue. Mai: pwi mawx ang ah pa som ju son Aux, tak sang pon tix yaox ju heue.

Lai Kalatix 3:29

Mai: phan: pex mawh cie Cao: Khrit, pex mawh nang: simie ceucat Abraham, mai: cao: pa pon sin: awm: pa khaw: mai: lox mukheu heue.

35. GRAWNG: PON EX JU PA KHRAOX KHEU YESUX

Lai Efesux 2:4/5

Vieang mawh kawx nan: Siyiex, pa mi pa kwe ka daux krax caoxhrhawm:, kheu krax moh pa kied lang: teung: moh Nawh Cao: ka ex, pie yam hoit yum ex kheu phimap phighram: tix kawx, Nawh hoit kieh ex im: tau mai: Cao: Khrit, (Pex hoit hwet krax taoh kheu bwan: son heue).

Lai Yohan Phuk Tix 5:11/12

Mai: mhai: sakse: in kieh nieh, mawh pa Siyiex hoit tawx ju leeing: ju leeing: phan: ka ex, mai: ju in kwe ka daux Kawn: Nawh heue. Kaw pa kwe Kawn: Cao: kwe ju an heue. Kaw pa ang kwe Kawn: Siyiex ang kwe ju an heue.

Lai Kalatix 2:20

Aux hoit yum tau mai: Cao: Khrit ka khaoxlak, mai: yamin ang kawn: baox mawh aux pa im:, vieang mawh nan: Cao: Khrit im: ka daux aux heue. Mai: ceu pa im: aux ka daux nex nham: yamin, aux im: ka daux krax yum:rhwam:, pa mawh pa yumrhawm: ka Kawn: Siyiex, pa hoit moh ka aux, mai: hoit tawx tokaux Tix son aux heue.

Lai Romax 8:2

Grawh grawng: nawh been pa dex mai: Khwan: pa Im: Ju, ka daux Yesux Khrit, hoit ploi: aux luan khaing: been phimap pa dex mai: krax yum heue.

Lai Kawrinthux Phuk Ra: 5:17

Maw kheu nan: phan: pwı tix kaux kaux ot ka daux Cao: Khrit, nawh mawh ceu pa khraox heue. Ceu pa prim: khankix hoit grai: hoit grup hu:, mai: jhak heue, ceu an kix hoit lih mawh pa khraox heue.

36. GRAWNG: MAWH SIYIEX KEEING: KA PWI CIE NAWH KHANKIX

Lai Yaogyaw 68:5

Siyiex ot ka dah dee pa singax singeh cie Nawk, mai: mawh keeing: ka kawn: doe, mai: prawng ca: ka son miex mai khankix heue.

Lai Isayax 64:8/63:16(b)

Vieang mawh nan:, ka daux Yam in Simieang Siyiex eue! Maix Cao: mawh keeing: ex heue. Yix mawh glaox, mai: Maix Cao: mawh cao: yuh aw: heue. Mai: yix khawm: uik mawh kaing khaix taix Maix Cao: heue. Simieang Siyiex eue! Maix Cao: mawh keeing: ex heue. Cao: pa taoh tix teei ex tom: ju dix mawh caukaux Maix Cao: heue.

Lai Hose 1:10(b)

Mai: ka: in ka baoh khaing: dee mawx pa hoit ah nin: ka kix, pex ang lai mawh pwı Aux heue." Khaix in tak sang mawh pa ah nin: ka kix tan, pex mawh kawn: Siyiex pa im: ju heue.

Lai Mathiex 7:11/6:9

Phan: pex pa mawh pwı caox kawx, chix tawx kraung pa mhawm: ka kawn: praix tix, Keeing: pex pa ot ka daux meung raoma: tak nie lheu: tawx ceu pa mhawm: ka pwı pa rawg ka Nawk miex ding? Mawh kheu nan: pe rawg bwan: yuh nin:, Keeing ex pa ot pieang meung raoma: kieh ceukaux Maix kwe krax yung: krax yi: heue.

Lai Kawrinthux Phuk Ra: 6:17(c)/18

Mai: Aux tak rieb ti teei ka pex heue. Mai: Aux tak mawh Keeing: ka pex, mai: pex tak mawh kawn: simex kawn: bon ka Aux, Simieang Pa Ting Pa Kwe Sibrawm pieang khawm: uik ah nan: heue.

37. GRAWNG: TAWNG EX SIYIEX MAWH KEEING: KHEU YESUX

Lai Yohan 14:6/7/23

Yesux baox pawk lox mai: ah nin: ka nawh, "Aux mawh daux krax, mai: pa mawh pa meh, mai: ju heue. Phan: ang mawh daux Aux pwi ti kaux kawx ang pon tix hwet ka Keeing: Cao:. Phan: pex hoit tawng ka Aux, vieang mawh Keeing: Aux kawx pex tak tawng heue. Jah tom: yamin pex tawng Nawk, mai: hoit yaox ka Nawk Cao:. Yesux pawk lox mai: ah nin: ka nawh, "Phan: pwi moh ka Aux nawk tak sang priex tix hawt gumlox Aux, mai: Keeing: Aux tak moh ka kaw an, mai: Yix tak hwet ka nawk, mai: ot tau mai: nawk heue.

Lai Kalatix 4:4-7/3:26

Vieang mawh kawx nan: yam hoit naog bawg yam, Siyiex plo: Kawn: Tix lih, tix keh khaing: bon, keh ka greem: lox lai been li, yuh ka mawx son sang taoh Nawk ex, pa ot ka greem: lox lai been li, yuh ka mawx son sang pon ex tix mawh kawn: Nawk heue. Mai: kheu mawh ex kawn:, Siyiex hoit plo: Khwan: Kawn: Tix ka daux rhawm: ex tix yo. "Aba Keeing:" heue. Mawh kheu nan: pex ang baox lai kawn: mawh siliex, vieang mawh nan: mawh kawn: heue. Mai: phan: mawh kawn:, mawh pa sang pon sin: kheu Siyiex heue. Grawh grawng: nawk pex khawm: uik mawh kawn: Siyiex kheu krax yum:rhawm: ka Yesux Khrit heue.

Lai Yohan 1:12

Vieang mawh kawx nan:, ka pwi pa rieb ka Nawk mai: pwi pa yum:rhawm: ka ceukaux Nawk khankix Nawk tawx siawp sibrawm tix sang mawh kawn: Siyiex heue.

Lai Yohan Phuk Tix 2:1(b)

Mai: phan: pwi ti kaux kaux yuh phimap phighram:, ex kwe Cao: khyox khaw: son ex ka Keeing: Cao: pa mawh Yesux Khrit pa rah pa see heue.

38. GRAWNG: PA TEEI YESUX TIX TAWX KRAX MOH, KRAX GAUXRHAWM:,MAI: KRAX PA NHIM: KA EX

Lai Yohan Phuk Tix 4:8/(b)

Kaw pa ang kwe krax moh krax rhawm:, ang tawng ka Siyiex, mawh kheu Siyiex mawh krax moh krax rhawm: heue. Siyiex mawh krax moh krax rhawm:, mai: kaw pa ot ka daux krax moh krax rhawm: ot ka daux Siyiex, mai: Siyiex ot ka daux nawh heue.

Lai Efesux 4:32

Mai: pex ti kaux lai: ti kaux caoxrhawm: tix yuh pa mhawm: ka paox tix, mai: viex pa awn: rhawm: awn: rhi:, mai: pluat ploi: phimap ka paox tix, awm: hoit ploi: Siyiex phimap pex ka daux Cao: Khrit heue.

Lai Yohan 13:35

Phan: pex ti kaux hoit ti kaux moh paox tix, pwi khawm: uik tak tawng pex mawh kawn:cau Aux, kheu grawng: an heue.

Lai Kalatix 5:22(a)

Plix cie Khwan: Cao: mawh, pa moh pa rhawm:, pa gauxrhawm: gauxrhi:, pa nhim:.

Lai Habakuk 3:18

Vieang mawh nan:, aux tak sang kwe krax gauxrhawm: gauxrhi: ka daux Simieang Siyiex, aux tak sang nyawmrhawm: nyawmrhi: ka daux Siyiex cao: taoh aux heue.

Lai Yaogyaw 16:11

Maix tak jhi: aux yaox krax pa im: ju, krax pa grum naog mai: krax pa gauxrhawm: gauxrhi: sivoe ngai: Maix mai: kwe krax pa gauxrhawm: dex khawn: dawm: Maix jheeng: jheeng: heue.

Lai Romax 5:1

Mawh kheu hoit pon hwet ex krax rah krax see kheu krax yum:rhawm: ex tom: kwe pa nhim: ka plak Siyiex kheu Simieang ex Yesux Khrit heue.

39. GRAWNG: PA KIEH YESUX PWI PA HAWT KHAIX NAWH KHANKIX DEEH KAOH IM:

Lai Kawrinthux Phuk Tix 6:14

Lheu khaing: an Siyiex hoit kieh Simieang deeh kaoh, mai: ka khawm: ex kawx tak sang kieh deeh kaoh kheu siawp sibrawm Nawh heue.

Lai Yohan 6:39/40

Mai: in mawh alo Kaw pa ploi: Aux hwet, mawh pa ang kieh Aux yuh grai: pwi pa tawx Nawh Cao: ka Aux ti kaux kawx, vieang mawh nan: kieh kix deeh kaoh singaix sidah khaix heu-e. Grawh grawng: nawh in mawh alo Keeing: Aux, son sang pon pwi pa yaox ka Kawn: Cao:, mai: pa yum:rhawm: ka Nawh khankix ku kaux, ju leeing: ju leeing: phan:. Mai: Aux sang kieh kix deeh kaoh singaix sidah khaix heu-e.

Lai Yohan 11:25/26(a)

Yesux baox ah nin: ka nawh, Aux mawh ceu pa deeh kaoh mai: pa im: ju heue. Pwi pa yum:rhawm: ka Aux. vieang nawh hoit yum kawx, tak sang im: heue. Mai: pwi pa kawn: im: ku kaux daux pwi, pa yum:thawm: ka Aux, tak ang yum ti bawg kawx.

Lai Kawrinthux Phuk Tix 15:21-23

Grawh grawng: nawh, mawh kheu krax yum hoit hwet kheu pwi tix kaux, vieang ceu pa deeh kaoh im: khaing: krax yum kawx, hoit hwet kheu Pwi tix kaux heue. Grawh grawng: nawh, awm: yum pwi khawm: uik ka daux Adam, awm: an tak sang kieh pwi im: khawm: uik ka daux Cao: Khrit heue. Vieang mawh nan: kawx, kaux pwi mawx kaux pwi an, yam caw glawk nawh, Cao: Khrit pa mawh plix liang, khaix an yam hwet Nawh Cao:, kix pa mawh cie Cao: Khrit tak sang pon tix im: heue.

Lai Yohan 14:19(b)

kheu im: ju Aux, pex kawx tak sang im: ju heue.

40. GRAWNG: KRAX TAOH PA TING NIEX DOD PAW VI THIEANG: TIX TIK KAH

Lai Hebrie 10:28/29

Pwi pa hoit nieb een: tix ang kwe cee ka lox lai been li Mose, phan: kwe cao: pa kham: mhai: sakse: ra: loe: kaux, ang lai kwe krax caoxrhawm: mai: teei yum kah heue. Kaw pa hoit dig ka Kawn: Siyandex ka greem: caong nawh, mai: hoit een: hoit sawn: nham: sijax mukheu pa hoit kieh nawh singax singeh kah, mawh ceu pa ang singax singeh, mai: hoit nieb yuh pa ang cee ang cak ka bwan: son Khwan: Cao:, pex ce: nawh mawh pa keung: tix pon krax ciyang pa nie lheu: lang: teung: nu miex ding?

Lai Yohan 12:48

Pwi pa tik kah Aux mai: pa ang rieb tix teei lox diex lox gau Aux, Kaw pa sang prawng sang ciyang ka nawh hoit kwe ti kaux. Gumlox pa krai Aux in mawh pa tak sang prawng sang ciyang ka nawh singaix sidah sax.

Lai Yohan 8:24

"Mawh kheu nan: Aux toin hoit krai ka pex, 'Pex tak yum ka daux phimap tix.' Grawh grawng: nawh phan: pex ang yum::rhawm:: grawng: mawh Aux Kaw an, pex tak sang yum ka daux phimap tix heue."

Lai Lukax 12:4/5

Paoxgrawm Aux khankix eue, Aux ah ka pex, paw lhat ka kix pa chix teei tokaux yum, mai: pa ang chix yuh tid tix khaix an heue. Vieang mawh nan:, Aux sang krai ka pe grawh grawng: pex khaw: tix lhat ka pa yuh kah mawx. Lhat ka kaw pa khaix nawh hoit teei yum. kwe siawp sibrawm tix taing sau: ka daux Mawnarhok. Mawh heue, Aux krai ka pex, lhat ka kaw an.

Lai Hebrie 2:3(a)

Phan: ex da ta ang kriem ka krax taoh pa ting niex ding niex dod, ex lai chix pon luan khaing: krax ciyang yuh ka mawx?

41. GRAWNG: MAWH YESUX KHRIT CAO: PRAWNG CA: PA RAH SEE SON EX

Lai Kawn:cau 17:31

"Mawh kheu Nawh hoit ciak tix deuh ti singaix, yam Nawh tak sang prawng sang ca: haktiex in ka daux pa rah pa see, ka Pwi tix kaux pa hoit laug Nawh, Nawh hoit plak pwi khawm: uik yaox mhai: sakse: pa kaux, ka daux ceu pa Nawh hoit kieh Nawh Cao: deeh kaoh khaing: krax yum heue."

Lai Yohan 5:22/23(a)

Keeing: Cao: ang prawng ang ciyang pwi ti kaux kawx, vieang mawh kawx nan: Nawh hoit tawx krax prawng krax ciyang ka Kawn: Cao: khawm: uik. Yuh ka mawx son kawn: pwi khawm: uik sang yung:yi: ka Kawn: Cao:, awm: yung:yi: kix ka Keeing: Cao:.

Lai Kawrinthux Phuk Ra: 5:10

Grawh grawng: nawh tak sang kieh ex khawm: uik sidawng: ka sivoe dee ngawm tix prawng ca: cie Cao: Khrit, yuh ka mawx son sang pon kaux pwi mawx kaux pwi an, ka ceu pa hoit yuh tix ka daux tokaux, awm: pa khaw: mai: pa hoit yuh nawh, pa mhawm: ang ah, phan: ang mawh nan: pa caox ang ah heue.

Lai Romax 2:16

Ka daux singaix yam Siyiex tak sang teei Yesux Khrith mai: prawng ca: ka ceu pa hoit mox kawn: pwi, awm: pa khaw: mai: lox bwan: gauxrhawm: gauxrhi: pa sidiex aux heue.

Lai Thesalonix Phuk Ra: 1:7(b)/8

Yam lih bleeh Simieang Yesux khaing: raoma:, tau mai: kawn:cau Siyiex pa ting siawp sibrawm cie Tix khankix ka daux rao ngu, mai: pawk bix ka kix pa ang tawng ka Siyiex, mai: ka kix pa ang cu ang nghiet ka lox bwan: gauxrhawm: gauxrhi: Simieang ex Yesux Khrith.

42. GRAWNG: PA HAWT KHAIX YESUX MAI: KOK TIX NAWH CAO: NGIE ANG PON KA NAWH CAO: HEUE

Lai Titux 1:16(a)

Vieang kix dhua: kix tawng ka Siyiex kawx, kix thieang: tix tik Nawnh ka ceu pa yuh tix.

Lai Romax 8:9(c)

Kaux pwi mawx ang ah, phan: ang kwe Khwan: Cao: Khrit ang lai mawh cie Nawnh heue.

Lai Yezakhelax 33:31

Mai: kix hwet ka maix awm: khrawm: pwi haoh pwi hun: paox tix, kix ngawm ka plak sivoe maix awm: ceu pwi Aux, mai: kix mhong: ka gumlox maix vieang mawh nan: kix ang hawt tix yuh; vieang jheeh kix jhi: mhai: sakse: pa kied moh tix kawx, rhawm: thi: kix hawt khaix pa ghoeng: ka sin:ngao haktiex heue.

Lai Mathiex 15:8

Pwi ceu in yung:yi: Aux ka siyieb jheeh tix, vieang mawh kawx nan: rhawm: kix singai khaing: Aux heue.

Lai Mathiex 7:21-23

Pwi pa kok ka Aux, 'Simieang eue: Simieang eue:' pon tix laig ka daux meung raoma: ku kaux ang lai mawh. Vieang mawh kawx nan:, mawh kaw pa yuh hawt alo Keeing: Aux pa ot ka daux meung raoma: khaing: pa pon tix laig heue. Ka daux singaix an sax, pwi haoh pwi hun: tak sang ah nin: ka Aux. 'Simieang eue: Simieang eue: ex hoit sidiex lox jhai: ka daux ceukaux Maix, mai: hoit ghreu: phicaox khankix ka daux ceukaux Maix, mai: hoit yuh kaing pa ting siawp sibrawm tom: nie ka daux ceukaux Maix ang mawh lieh?' Mai: Aux tak krai ka kix sidawng; 'Aux ang sax tawng pex, pex pa yuh phimap phighram: khankix eue:, lih hu: khaing: Aux.'

43. GRAWNG: PWI PA HAWT KHAIX YESUX KHANKIX MAWH PA CU NGHIET KA NAWH CAO:

Lai Yohan Phuk Tix 2:3

Phan: ex priex tix hawt lox tawm: jhawm: krai Nawh, kheu in ex tom tawng grawng: pa tawng ex ka Nawh heue.

Lai Yezakhelax 36:27

Aux tak sau: Khwan: Aux ka daux pex, mai: kieh pex lawng hu: daux lox lai been li Aux khankix, mai: priex tix hawt lox tawm: jhawm: krai Aux khankix heue.

Lai Hebre 5:9

Mai: khaix hoit kieh Nawh grum mhawm:, Nawh Cao: tom lih mawh Cao: pa yuh krax taoh leeing: ju leeing: phan:, ka son can kix pa cu nghiet ka Nawh khawm: uik.

Lai Romax 6:18

Mai: mawh kheu hoit kieh pex luan khaing: phimap, pex hoit lih mawh siliex ka pa rah pa see heue.

Lai Efesux 2:11

Mawh kheu nan: doh keud grawh grawng: pex pa mawh pwi tang: ceu tang: cat ka daux nex nham:, pa kix pa mawh pa pat hak ka daux nex nham:, pa hoit yuh ka taix, kok mawh pa ang pat hak.

Lai Romax 8:10/13

Vieang mawh nan: phan: Cao: Khrit ot ka daux pex, vieang tokaux hoit yum kheu phimap kawx, khwan: mawh pa im: kheu pa rah pa see heue. Grawh grawng: nawh phan: pex im: hawt nex nham:, pex tak lai yum, vieang mawh kawx nan: phan: pex kieh ceu pa yuh tokaux tix, yum kheu Khwan: Cao:, pex tak sang im: heue.

44. GRAWNG: PA KOENG PWI HAKTIEX KA PWI PA HAWT KHAIX YESUX KHANKIX

Lai Yohan 15:18/19

Phan: haktiex in koeng ka pex. pex tawng grawh grawng: haktiex hoit koeng ka Aux, ka: sang koeng ka pex heue. Phan: pex dex dawd mai: haktiex, haktiex tak moh cie nawh, vieang mawh nan: kheu ang pex dex dawd mai: haktiex, mai: kheu hoit laug Aux tix teei pex lih khaing: haktiex, haktiex tom koeng ka pex heue.

Lai Yohan 16:2(b)/3

Mawh heue, bawg yam nari tak sang hwet yam pwi mawx ang ah, pa pah pex yum, sang ce: tix yuh kaing krub ka son Siyiex. Mai: kix tak yuh ceu in khankix kheu ang kix lai tawng ka Keeing: Cao:, mai: khawm: ka Aux.

Lai Yohan Phuk Tix 3:1

Jhak heue, Keeing: Cao: hoit tawx krax moh krax rhawm: ka pieang ex miex ding miex ghlaong: son sang kok ex mawh kawn: Siyiex, mai: mawh ex nan:. Mawh kheu jao in haktiex ang tawng ka ex, kheu ang haktiex tawng ka Nawh Cao: heue.

Lai Kawn:cau 14:22(b)

"Ex tak lai kham: geu pa kha:rhwam: kha:rhi: tom nie, tom laig ka daux meung Siyiex heue."

Lai Timose Phuk Ra: 3:12

Mawh heue, mai: can pwi pa simie tix yuh pa khaw: pa caw mai: Siyiex ka daux Yesux Khrit khawm: uik, tak sang yaox tix kham: pa tuktieak tukte: heue.

Lai Yohan 16:33(b)

"Ka pieang haktiex in pex tak yaox krax kha:rhwam: kha:rhi:, vieang mawh kawx nan: kieh kwe rhawm: cong: heue, Aux hoit pex ka haktiex in heue."

45. GRAWNG: LOX MUKHEU SON PWI PA KHAM: KRAX TUG KRAX KHA: KHANKIX

Lai Petrux Phuk Tix 5:7

Plee ceu pa khi:rhwam: pex khawm: uik ka pieang Nawh Cao:, kheu kya: ngien Nawh ka pex jheeng: jheeng: heue.

Lai Isayax 41:10

Paw lhat, mawh kheu aux ot mai: maix, paw yaoh, mawh kheu Aux mawh Siyiex maix, Aux tak kieh maix kaux cong:, Aux tak teem: coi ka maix, Aux tak joh maix ka plawng: taix dawm: pa ting rieang Tix.

Lai Yaogyaw 27:10

Vieang miex keeing: aux prah ka aux kawx, Simieang Siyiex tak sang teei tix priex ka aux.

Lai Hebre 13:6

Mawh kheu nan: ex tom: chix viex rhawm: kuwa: tix ah nin:, "Simieang mawh cao: pa teem: aux, aux tak ang lhat ang graung heue. Pwi tak chix yuh patix ka aux?"

Lai Petrux Phuk Tix 4:14(a)

Phan: pex yaox tix kham: pa ang cee ang cak kheu ceukaux Cao: Khrit, pex ting bwan: son, mawh kheu Khwan: ting min: plakngai:, pa mawh Khwan: Siyiex ot ka pieang pex heue.

Lai Yaogyaw 91:11/23:4

Nawh Cao: tak tawm: lox grawng: Maix ka kawn:cau Siyiex khankix, tak sang kya: ngien Maix, ka daux krax pa hu: Maix khankix. Vieang aux yaox tix hu: ka daux klawng: daux ngawt veci krax yum kawx, aux ang lhat kah, grawh grawng: nawh, Maix ot mai: aux khaox puat Maix mai: khaox gix Maix kieh aux nyawm rhwm:.

46. GRAWNG: KRAX PA PEX KA PHIMAP MAI: PHI: SATAN

Lai Kawrinthux Phuk Tix 10:13

Krax nyaw krax glaw: ang lai hwet ka pieang pex tix ceu kawx pa ang kawn: pwı̄ pon kham: kah, vieang mawh kawx nan: Siyiex mawh pa kaux sijax, pa tak ang kieh pex yaox krax nyaw kra glaw:, pa lheu: khaing: pa pon pex tix kham:, vieang mawh nan: tau mai: krax nyaw krax glaw:, tak sang kieh kwe khawin: krax dee chix luan kah, yuh ka mawh son sang pon pex tix kham: ka krax nyaw krax glaw: heue.

Lai Hebræ 4:16

Mawh kheu nan: kieh ex viex rhawm: kuwa: tix greed hwet ka dang:ngeung bwan: son, yuh ka mawh son sang pon ex krax caoxrhawm:, mai: pon tix yaox bwan: son pa teem: pa coi, ka daux bawg yam pa lo ex khanki heue.

Lai Yohan Phuk Tix 1:7

Vieang mawh kawx nan: phan: ex hu: ka daux pa rieang, awm: ot Nawh Cao: ka daux pa rieang, ex yaox tix mawh paox mawh pie ka paox tix, mai: nham: Kawn: Nawh Yesux sigrah ex singax khaing: phimap phighram: khawm: uik heue.

Lai Timose Phuk Ra: 2:22

To: khaing: alo nex nham: sinaw, mai: hawt khaix pa rah pa see, mai: krax yum:rhawm:, mai: krax moh krax rhawm:, mai: krax nhim:, tau mai: kix pa kok ka Simieang, khaing: daux rhawm: thi: pa singax singeh heue.

Lai Yakop 4:7

Mawh kheu nan: pex cu pex nghiet ka Siyiex, vieang mawh nan: tieb tie ka phicaox, mai: nawh tak to: hu: khaing: pex heue.

Lai Yaogyaw 119:11

Aux hoit priex gumlox Maix ka daux rhawm: tix, son ang sang phit lud ka Maix heue.

47. GRAWNG: KRAX PA RAWG BWAN: PA CIED TETE MAWH PA YUH PAOXPIE TAU MAI: KEEING: CAO: SIYIEX

Lai Yaogyaw 27:8

Yam ah Maix nin: ka aux, sawg plakngai: Aux, mai: daux rhawm: aux ah nin:; Simieang Siyiex eue, aux sawg plakngai: Maix.

Lai Yaogyaw 62:8

Kawn: pwi khankix eue, deuh rhawm: ka Nawh Cao: ku bawg ku yam. Mai: plak jhi: rhawm: rhi: pex sivoe ngai: Nawh Cao: awxawx. Siyiex mawh dee deuh ex rhawm: tix.

Lai Yeramix 17:14

Simieang Siyiex eue, pai: ka aux, mai: aux tak moi:, taoh ka aux, mai: aux tak pon krax taoh, mawh kheu mawh Maix Cao: dee pa yaogyaw aux kah heue.

Lai Thesalonix Phuk Tix 5:17/18

Rawg bwan: ang jud ang jai. Yaogyaw bwan: son ka daux ku ceu, grawh grawng: nawh in mawh alo Siyiex ka daux Yesux Khrit ka son pex heue.

Lai Yakop 1:5

Phan: pex ti kaux kaux kawn: taik kawn: cud pingnya cuyi:, kieh nawh rawg ka Siyiex, pa kwe rhawm: sibieh tix tawx ka pwi khawm: uik, mai: pa ang chix map, mai: tak sang tawx ka nawh heue.

Lai Yohan 15:7

Phan: pex ot ka daux Aux, mai: gumlox Aux ot ka daux pex, pex simie tix rawg ceu pa tix ang ah, rawg heue, mai: tak sang yuh son pex.

Lai Yaogyaw 34:4

Yam sawg aux ka Simieang Siyiex, Nawh deeh pawk ka lox aux, mai: taoh aux luan khaing: pa lhat pa graung khawm: uik.

**48. GRAWNG: ANG RHEENG: YESUX TAK SANG DEEH HWET.
KHRE: RIEN RHAWM: TIX AWX**

Lai Thesalonix Phuk Tix 4:16/17

Grawh grawng: naws, tokaux Simieang tak sang lih khaing: raoma:, tau mai: lox yo, tau mai: lox simieang kawn:cau Siyex, tau mai: lox teet tawng Siyex, mai: pwi pa hoit yum ka daux Cao: Khrit tak sang deeh kaoh phaoxka: heue. Khaix an ex pa kawn: klawd pa kawn: deuk khankix, tak sang teei haok tau mai: kix, ka daux pai:awm:, son sang sipub ka Simieang ka daux bhawm: dee long:, mai: ex tak sang ot tau mai: Simieang leeing: ju leeing: phan: heue.

Lai Kawrinthux Phuk Ra: 7:1

Pwi pa moh aux khankix eue, kheu kwe lox mukheu in kix. kieh ex kieh tokaux tix singax khaing: ceu pa seeing: pa brai: khawm: uik pa dex mai: nex mai: khwan:, mai: kieh grum ka pa singax singeh ka daux pa lhat pa graung ka Siyex heue.

Lai Yohan Phuk Tix 2:28

Mai: yamin, kawn: nyawm pa moh aux khankix eue, ot ka daux Naws Cao:, yuh ka mawx phan: Naws Cao: tak sang lih bleeh, ex tak kwe rhawm: pa kuwa: pa ang ring, mai: ang kwe krax kaig krax tuwa sivoe Naws Cao: yam hwet Naws heue.

Lai Yakop 5:8/9

Pex kawx kieh kwe krax gun krax yeung, mai: kieh rhawm: pex kaux cong: heue. Mawh kheu bawg yam sang hwet Simieang dex hwet heue. Puxaik khankix eue, paw vi sa ka paox tix, yuh ka mawx son ang pex sang hwet krax prawng krax ca: Jhak heue, Cao: Prawng Cao: Ca: hoit ot sivoe sivex khankix heue.

49. GRAWNG: KIEH NAOG KA KHWAN: SIYIEX HEUE

Lai Loxkab 1:23

Nghiet ka lox pa si diex gau aux, deeh tieh lox tix, jhak heue, Aux prauk Khwan: Aux lih ka pieang pex, mai: pex tak tawng dee bleeh lox Aux pa raux pa mox heue.

Lai Kawn:cau 2:38

Mai: Petrux deeh ah nin: ka kix, "Doh keud doh sawn: ka phimap pex, mai: baptis (Comrawm:) pex ku kaux ka daux ceukaux Yesux Khrit, son sang pon luan khaing: daux phimap phighram: pex, mai: pex tak sang pon khawng: phak Khwan: Singax Singeh heue.

Lai Efesux 5:18-21

Mai: paw kieh yoek ka plai: rawm: plix siiet, pa nieb chix kieh luan yuh cuci:, vieang mawh nan: kieh naog ka Khwan: Cao:, sikah ka paox tix ti kaux lai: ti kaux ka daux lox yaogyaw, mai: lox rhax lai, mai: lox rhax bwan:, mai: yuh lox pa mhawm: ka rhawm: pex ka Simieang, mai: yaogyaw son ku ceu khawm: uik jheeng: jheeng: ka Keeing: Siyiex, ka daux ceukaux Simieang ex Yesux Khrit heue. Pex ti kaux lai: ti kaux ot greem: paox tix ka daux ceu pa lhat ka Cao: Khrit heue.

Lai Philippix 2:13

Grawh grawng: nighth mawh Siyiex, pa mawh Kaw pa yuh kaing ka daux pex, son sang kwe rhawm: tix yuh. mai: son sang yuh kaing, son pa caw rhawm: Nighth heue.

Lai Kawrinthux Phuk Tix 3:16/6:20

Ang pex tawng grawng: mawh pex nyiex bwan: Siyiex, mai: grawng: pa ot Khwan: Siyiex ka daux pex lieh? Grawh grawng: nighth hoit lieag pex ka pa ngawh, mawh kheu nan: kieh Siyiex kwe min: plakngai: ka daux tokaux pex awxawx.

